





宣德二年至五年

十九



國權

丁未宣德二年

正月庚寅朔大觀受朝賀

曉刻大星赤光起正南雲中流東南雲中

辛卯勅諭文武群臣

乙未賞從征交趾吏卒

丙申申明屯法

戶部尚書師透卒透字九達東阿人少孤事母至孝母疾甚

鹽官談遷孺木著



思藤花菜走二十五里得之夜值虎呼天虎舍去進菜母愈  
以國子生擢御史歷陝西按察使決旬疏滯獄千人母喪廬  
墓三年永樂初拜兵部右侍郎改吏部督北征覬運先帝  
進南京戶部尚書兼吏部事初扈從太宗太宗語左右  
曰諸臣扈從惟遠不貪年六十二予祭塋

五昏刻太白犯外屏障

下庚子

癸卯諭行在兵部考覈逃亡軍士

四川永川縣奏去年旱饑先貸米五千六百四十石上善

之

大理寺卿湯宗卒宗字正傳浙江平陽人國子生授河南按

察僉事改北平歷山東按察使左遷刑部郎中永樂初守蘇

州曲完逋賦百餘萬石又左遷知祿州薦還大理寺丞坐累

下獄十餘年先帝復其官進左少卿至南京大理寺卿清

戒山東蹂躪陳民瘼召還年六十三子祭塋

夜熒惑犯

乙巳行在中軍都督僉事李王鎮守彰德

貸那射洪遂平餘杭南豐廣昌饑民倉粟免醴陵湘鄉湘潭



茶陵寧鄉溆浦沅江去年旱災田租

上朝退御文華殿召少傅楊士奇楊榮諭曰前論文陞事蹇

義夏原吉拘常見恐疲中國昔楚子從申叔時之諫而止縣

陳古人服義如此朕欲成先志卿等孰計之士奇榮對曰此

盛德事與戒繼絕使陳人脩貢夷夏皆安上曰朕志決矣

行令黃福專訪之未晚

丙午漢庶人自言連趙王諸臣多指趙趙王憂懼不知所出

上召問楊士奇對曰陛下宗室惟趙最親可惑衆口哉

上曰漢趙雖兄弟不同德矣皇考於趙最友朕惟一叔

奈何不受諸臣言趙益多朕宜以漢詞與諸臣彈章示之乃

遣廣平侯袁容左都御史劉觀賜趙王書趙王得書曰吾生

矣

丁未許重軍併役

行在通政司奏大辟歲六百餘人上諭行在禮部曰百姓

輕於犯法由教化未至卿等勉之

夜月犯平道

戊申趙世子瞻拔薨年十七謚悼僖

增造驛遞符驗



勅各邊總兵官備

已酉陽武侯薛祿率兵巡真定保定召永平山海總兵官遂安伯陳瑛還京

庚戌夜大星光青白起北極行至近濁

辛亥廣東都指揮僉事程瑒奏指揮王瑀等逐黎賊於金雞嶺斬二百六十一級招撫八百餘戶

癸丑設西寧衛儒學

免馬程歸安長興水災田租萬六千五百七十餘石  
夜南京地震

甲寅行在刑科給事中陳傑失儀謫荆門州判官

丙辰沙州衛人屢劫西域貢使命甘肅總兵官崇信伯費璫捕之

置保安州馬坊

戊午昏刻南京地震

二朝申趙王高燧奏謝蓋納常山中護衛及群牧千戶所儀衛

司軍校歸之朝廷許之命存儀衛司遣駙馬都尉廣平侯袁

容調護衛軍於永平山海盧龍

辛酉夜大星光青白起軫宿行近濁



癸亥行在戶部左侍郎陳山為尚書兼謹身殿大學士行在  
禮部左侍郎張瑛為尚書兼華蓋殿大學士行在大理寺左  
少卿施禮為行在刑部右侍郎  
昏刻大星光青白出王良行至近濁又大星出下台行至雲  
中  
乙丑賊黎利攻交趾城成山侯王通擊敗之斬偽司徒黎笏  
司空丁禮等死者萬計賊大奔諸將請乘勝追之通猶豫不  
決越三日賊益堅仍四掠  
夜大星光青白出天紀行至近濁

丙寅翰林院學士楊溥侍讀學士曾榮主禮闈

庚午勅宣化府同知陶季容為知府

夜大星光青白起角行至庫樓又大星出軫行至濁

甲戌遣順天府尹祭宋丞相文天祥

夜南京地震

乙亥寧化王濟煥奏晉王濟煥詭詐不法疑臣告訐欲死臣

乞徙居他郡書上書止之

沙州衛都督因即來告饑乞穀種百石許之母償

丙子武進伯朱冕掌行在左府事



戊寅夜南京地震明夜復震

上御文華殿賜楊榮銀印章曰方直剛正

己卯夜大星青光出天棓行至近濁又大星光青白燭地出

天鉤行至近濁

庚辰岷世子徽被訐鎮南王徽燻誣謗等事至京面質俱安

遂誅內使陳榮

夜大星光青白出軒轅行入柳

辛巳夜大星光青白起天津行至天桴

壬午復馬貞寶雞知縣貞初憂去邑人誦其公廉乞留至是

服闋

癸未行在翰林院侍讀沈聚為右春坊右庶子北京國子監

司業貝泰為祭酒進士張瑩嚴士安為監察御史

復徐敬南部知縣秩滿邑人留之進俸從六品

夜南京地震

甲申巡按四川監察御史裴俊請禁奸民誣奏從之

乙酉夜南京地震

丙戌行在錦衣衛官分捕沿河南北盜

赤斤蒙古衛指揮使且旺失加進都指揮同知



夜大星赤光起亢至游氣  
戊子夜南京地震  
三月丑朔長陵殿成  
命雲南四川兩廣福建湖廣均軍除逃解外餘留所在附近

衛所帶操  
策貢士趙鼎等百人於奉天門賜馬愉杜寧謝璉等進士及

第出身有差  
庶寅太子少保兼工部尚書吳中進少保仍兼行在工部二

俸  
行在刑部右侍郎樊敬往廣西右副都御史胡廩往廣東李

素往湖廣俱督運給交趾益調兵四萬五千二百人  
置麻兒西安撫司地共松潘七百餘里時刺麻着八讓下來

歸故官之  
夜大星光青白出尾行至游氣

辛卯昏刻南方蒼白雲一道起天因東掃翼軫南京地震

癸巳右僉都御史李濬通政司左通政朱侃鴻臚寺少卿劉

順王勉巡撫浙直大理寺卿胡聚右叅政葉春分督江南淮

徐各倉糧運



甲午晉王濟燠以府教數告其陰事益不自安奏辭爵上  
書慰之

丙申中軍都督僉事孫愚賜名忠

夜大星光青白起斗杓行至建星

丁酉以湖廣旱災免採辦竹木

命陝西四川輕罪悉編管沔縣以沔縣民戶多逃絕故補之

己亥黎利攻丘溫都指揮孫聚力拒之

庚子貴州總兵官都督蕭授討叛苗卓把同等平之

辛丑進士邢恭為翰林院庶吉士恭先隸院譯書

免湖廣轉餉交趾 上念其去年旱饑

上作西漢循吏論示少師蹇義等論曰西漢書載循吏文翁

王成苗霸龔遂朱邑召信臣六人然觀其事興學校勤勞來

勸課農桑脩舉水利恭儉愛人而已非有奇才異能以傾駭

人之視聽然而傳之者何哉以其奉職循理而民自化異乎

尚威嚴以為治者自古有天下者以民為本舜禹之相戒亦

曰德為善政政在養民水火金木土穀惟修正德利用厚生

惟和而已夫既有所養又有所教而後民生遂民性完然治

天下之民心用天下之賢士此後世郡守縣令之職所以重



也夫一郡一邑其地壤千里百里其民以千萬計而付之守令者欲其教養之而已教養之道農桑學校而已農桑之業修則民足於衣食而遂其生學校之政舉則民習於禮義而全其性如是足以為善治矣然而世之才能之吏或不知務此徃徃任智術厲威嚴苛刻峭急於是民受其弊此趙廣漢輩之所以不得為循吏也今天下之郡邑多矣予惟師舜禹之道以教養斯民故於守令之選加嚴焉詩曰豈弟君子民之父母安得皆如六人者布滿天下郡邑哉

癸卯夜月食

甲辰給京衛軍冬夏布勿折鈔

復府軍前衛二十五所前分調各王府

乙巳有獻函風七月圖者上顧侍臣曰此周家立國之本其教民委曲詳盡如此宜歷年之永也

昏刻南京地震

丙午諭行在戶部凡庫役歲一更先是霸州人直天財庫五年故以為言

小定田租

光青白出雲中行至近濁



子律百戶許善縱崇善土知縣趙暹攻陷左州  
一事發伏誅

壬子行在後軍都督同知鄭銘掌湖廣都司北京行都督同  
知徐甫掌四川都司  
行在大理寺卿虞謙平謙字伯益金壇人洪武中監生授刑  
部郎中守杭州限僧道田十畝永樂初拜大理寺左少卿七  
年遷右副都御史末年轉大理卿善議論務平恕好稱詩年  
六十二予祭葬

癸丑夜大星赤光出王良行入文昌

乙卯貸彭澤德化隴西望江均州饑民倉粟

夜大星赤光起翼行至游氣

丙辰停湖廣買辦

四 己未朔行在都察院右都御史王彰卒彰字文昭鄭人監生  
勤事擢吏科源士踰年改給事中歷山西參政永樂中拜禮  
部右侍郎憂去起戶部祀西岳言民困賜租改右副都御史  
扈從北京省母還遷右都御史謙恭莊重人莫敢干以私稍  
任法母嘗規之時論同臺劉觀私而不刻彰公而不怒  
庚申增蘓松常杭嘉湖督農通判屬縣督農縣丞



黎利陷昌江城昌江為我軍出入要地賊一萬餘攻之都指揮李任指揮使顧福劉順等相持九閱月守卒二千餘人大小三十餘戰力不支李任顧福皆自刎中官馮智知府廬陵劉子輔與劉順皆自經賊焚掠為空子輔本諒江知府一子一妾先子輔死

楊士奇曰子輔平素恂恂少言如無所言者且不慕聲名其人蓋鮮知之而其終所樹立卓若此可以其外斷之乎當時總帥如王通輩擁勅兵十數萬不能禦賊而棄城去甚者黎福之徒甘心從賊反兵來攻圖苟活且暮間卒之

不逃誅於國典天死一也彼身僂家情貽誚無窮視子輔蓋冰炭薰蕕不相同矣時戍守之將如都指揮李任等毅然奮節而死者蓋多死社者子輔及諒山知府易先政平知府何忠輩亦非一人忠罵賊不絕口從容賦詩乃與其子皆死世昌嘗之正人君子哉顧繫於用之者何如耳

夜大星赤光起中台行至明堂

辛酉太監侯顯使為思藏尼八刺賜國師等絨錦紵絲

癸亥夜大星光青白出軫行至濁

甲子遂安伯陳英為總兵官仍鎮守山海永平



晉王濟曠有罪廢為庶人濟曠幼狼戾父恭王弗愛又誣兄  
帝崩弗持服使寺人代縗臨幕中仁宗崩亦不服喪漢庶  
人詞連濟曠濟曠恐益陰治車械發屯儲應漢致妖巫書上  
祿命魔咒之府中人工變數十輩工察其實召至示以各  
奏辭不能對伏罪上遣諸王書列其狀幽之鳳陽誅妖巫  
數人

武進伯朱冕行在兵部尚書張本撫安山西  
戊辰夜大星光青白起氏行至近濁

已巳行在禮部試歲貢生其下下者復學責及提調教官  
成山侯王通等以賊銳兵不出黎利求成遂許清化等州之  
地謂體上寬仁之意諸將或默或懼獨按察使楊時習曰  
奉命討賊而擅棄其地罪無逭矣通厲聲曰非常之事惟非  
常之人能之汝何所知自是人無敢復言黎利詭言陳暲陳  
氏裔也竄老撾二十年國人求得願王之王通為轉奏同利  
所遣人進表及方物

談遷曰成山侯旌麾南指親受簡命雖寧橋之敗警於狂  
悖然何至捐地以徇之也意者天子止戈之策二楊微



為彼露之耶執其邪謀隳我干魯火之不能熄又蘊崇之水之不能障又湍決之故古人重於擇將也  
夜大星光青白出危行至濁

庚午亦力把理迭力等入貢

辛未琉球山南王他魯每入貢

行在翰林院編修蔣禮為脩撰

兩浙都轉運鹽使李泰坐事當謫以場民言其廉勤僅降副

使

增陝西廣西布政司叅議各一

甲戌瓊州賊平

乙亥大星光青白起翼行至濁

丁丑以陝西不歲止一切買辦

初議徵松潘衛軍戍交趾俱憚行謀於千戶錢宏宏曰惟言  
番人叛則戍止矣遂告衛官以番人叛於是都司果止交趾  
之役遣成都後衛指揮陳傑等以往兵而番實不叛也宏潛  
入其寨脅出牛馬財物以止師果與之然聞兵已壓境大懼  
各結黑水諸生番拒之傑等敗沒番民大擾  
曉刻有犯太白



丙戌命都指揮僉事韓整高隆撫治松潘蠻時蠻五萬餘人  
攻圍松潘衛城轉攻威茂疊溪等處叙南衛指揮吳玉擊之  
敗績

五月初辰夜大星光黃白出敗瓜東至雲中

癸巳陽武侯薛祿為鎮朔大將軍總兵官清平伯吳成為副  
總兵護餉赴開平

都督同知沐昂討瀾滄衛叛寇楊和等抵金沙江擒之

甲午順天府尹王驥為行在兵部右侍郎  
夜大星光青白燭地起北斗魁行至雲中

乙未四川都司奏青州千戶所軍趙某從征阿月等寨逃歸

言錢宏等激變 上勅責布按二司不實告

脩涇陽縣洪壇

丁酉進哈密忠順王弟北斗奴都督僉事

戊戌夜大星光青白光燭地出文昌行至雲中

己亥 仁宗皇帝主祔太廟

庶子右春坊右諭德兼翰林侍讀林誌卒誌字尚默閩縣人  
永樂壬辰進士及第授編修進修撰博通百氏文章簡與好  
靜退卒年五十



乙巳暹羅入貢

夜大星赤光燭地起羽林軍東行至雲中炸散

丙午行在鴻臚寺丞何敏為行在錦衣衛指揮僉事敏請胡語命同都指揮僉事蔣貴及松潘衛指揮吳瑋招撫松潘番寇又陝西都指揮趙安以臨鞏等衛五千人赴之

上親閱獄釋輕繫二千一百九十餘人

戊申復置廣西所屬民款司巡兵防盜永樂中防盜於村市集民編牌置械

辛亥大星赤光起貫索行至平星

甲寅設武功左衛置左右中前後五所

復鄭辰山西按察使初辰憂去吏民思其端潔請復之

乙卯行在工部郎中陳恭為行在大理寺右少卿右春坊司

諫楊中新城教諭王寅沂州李性新淦教諭陳善滋陽訓導

周善為行在給事中建寧推官湯盤成都推官藥和歸善知

縣李廣俱九載考績至京民奏留盤和各進通判廣復縣食

六品祿

翰林院編脩陳景著乞養母改福州府教授

丙辰渾源知州陳淵能愛民千戶陳貴誣以罪民詣闕言其



狀復之  
丁巳貸巴縣民倉粟  
六庚申夜大星赤光起宗人行至濁

甲子悉召鎮守內臣還京  
丙寅禁迺吏迺囚及頑民禁隘從巡按浙江監察御史吳訥  
之言

命遼東軍士迺來歸者遣還本衛免勾取及充勇士蓋三  
萬衛總甲張顯言之

叙南衛指揮吳玉等勦松潘蠻搗其穴及軍回蠻萬餘人道

伏邀敗我玉退走  
上許玉自贖

己巳命鎮遠侯顧興祖勦欽州賊時橫州貴縣賊入欽州殺  
靈山知縣封真

辛未棗陽訓導周迪儒士董轟為承天門待詔

癸酉瓜哇入貢  
甲戌勅兩京暑月清獄

乙亥定淮浙鹽引米三斗五升河間長蘆引五斗河東川陝  
引二斗

己卯命總兵官陽武侯薛祿等自開平旋師駐宣府



癸未增浙江布政司理問所副理問  
昏刻大星赤光進賢行入五帝座夜大星赤光起奎行至外  
屏又大星青白色出帝星旁行至雲中  
甲申夜大星赤光起牽牛行至濁

乙酉封魯世子泰堪安丘王泰圻樂陵王泰舉鉅野王泰墜  
七月亥朔夜大星青白光出天倉行至近濁

戊子夜大星青白光出鬻星西南行至近濁

己丑夜大星赤光出庶子旁行至濁

辛卯占城入貢

壬辰夜大星青白光出斗南行至雲中又大星赤光出北斗  
杓行入梗河

癸巳夜太白犯東井

蜀王友堉發護軍四千人從征松潘

丙申諭法司曰唐暑朕與卿等深居突處猶畏繁蒸矧繫囚  
哉若歎毒薰鬱疾病死者虧傷和氣不累陰德耶有應罰役

應遣者速簡勘以聞

丁酉翰林侍講陳敬宗改南京國子司業

戊戌行在刑科左給事中李敏為南京右僉都御史監生厲



秉彝何敬邵新為監察御史前河南布政司右叅議陳祚為  
行在山西道監察御史

高唐知州王訥內丘知縣馬旭鳳翔通判王恪汝上縣丞朱  
寧俱九年考最恪寧服闋民奏留從之加訥俸從四品旭俸  
從六品

命陝西羅因納粟贖  
汰北京監生十九百五人

已亥逮鎮遠侯顧興祖以擁兵南寧太平致陷丘温又貪淫  
見劾

漢子王閔因決遣二千四百六十五人

辛丑命都督同知陳懷為總兵官都督僉事劉昭為副總兵  
都指揮同知趙安都指揮僉事蔣貴為左右叅將勒松潘叛

蠻

趙府左長史趙季通字師道天台人以教諭歷令吉  
安永豐龍溪民甚戴之永樂初脩實錄除國子博士歷司業  
北京司業改趙師時右長史董子莊俱曲盡規益王甚禮之  
兩人稱左官極選矣

癸卯貴州總兵官都督蕭授請討水西頭目阿閉及普足蠻



阿骨阿哈等命先招諭之

文安大城縣蝗

甲辰賑合肥縣饑

丙午諭南京法司羅人紉粟以贖有差

昏刻大星赤光起文昌行在穀直天台入以於備

丁未陽武侯薛祿清平伯吳成出開平襲一盡伏夜行踰三

又走三百里至孕兒班你兒兀構其營王倉卒戰敗殺數十

人俘十二人獲男婦六十四人馬一百餘匹軍還躡我又

敗之遂遠遁

己酉行軍都督僉事山雲為征蠻將軍總兵官鎮守廣西

宥茂州衛指揮吳玉及都指揮韓整高隆罪先後征蠻俱敗

行在兵部尚書張本糾之

壬子蠲崑山金壇雨災田租

癸丑設湖廣石關峒長官司隸金峒安撫司前元嘗立鎮邊

萬戶府洪武初蠻民潰散而羣至是土酋覃萬勇招峒民百

五十餘戶來附

乙卯諭禮部自宮者遣戍如卡先帝例榜禁中外

丙辰朔夜大星光青白出參旗入天園太白犯輿鬼



丁巳晚刻太白犯輿鬼  
戊午定大同中鹽每引米二斗五升再減米五升

庚申監察御史嚴繼先言近吏部老疾去官者例革冠帶為  
氓夫老疾實非得已亦曾受誥勅封贈既不得罪輒去冠帶  
謂激賞何上是之命引疾者皆冠帶還御前上嘗之無  
徵兩畿山東河南山西陝西芻飼隨駕御馬監象馬牛羊太

常光祿寺牲

夜大星赤光起營室行至壘壁陣

辛酉免陰慶昌平民脩居庸關橋以妨農也

十九

甲子少保戶部尚書兼武英殿大學士黃淮致仕賜鈔萬貫

深澤博野東鹿蠡河間水災山西蒲澤解絳霍沁水岳陽平

陸臨晉猗氏曲沃安邑襄陵芮城稷山垣曲翼城太平河津

聞喜汾西趙城永和浮山臨汾榮河萬泉夏縣靈寶旱災俱

蠲租

丁卯總兵官陽武侯薛祿副總兵清平伯吳成等還京賞賚

有差

戊辰崇謙守靖洞玄真人張宇清卒宇清嗣封真人朝

上加號



已巳行在吏科都給事中凌宴如為行在右僉都御史

癸酉都指揮僉事許彬王能領山西騎兵巡邊

甲戌上朝罷御便殿問侍臣曰朝廷下令寬恤或有司沮

格果否對曰聞亦有之林上曰治天下貴信朕每下令度其

可者不然徒失信耳君欲施仁而沮格在臣何哉

己亥行在戶部左侍郎兼少詹事郭敦為尚書

寧陽知縣孔公朝前日酒失戒邊至是二十年寧陽人言其

清幹命復任

免河間等六郡民償馬去年徵入京道斃五萬五千餘匹

曉刻太白犯軒轅大星

丙子曉刻月犯天街北星

丁丑少師隆平侯張信行在戶部尚書郭敦往陝西安輯軍

民

夜大星青白光起奎行至天苑炸散

戊寅夜大星青白光出天倉行至雲中

己卯設甘州前後二衛右千戶所

庚辰行在吏科左給事中王佐為行在戶部右侍郎陝西苑

馬寺卿曹魯為順天府尹大理寺丞張宗璉改常州同知



鄧川訓導楊昭為江西道監察御史清苑教諭王錫上虞教  
諭虞祥台州訓導儲懋沙縣訓導郭璘行唐訓導趙端長洲  
訓導鮑克夫為給事中  
復楊信桐廬知縣增俸從六品孫貴五河典史增俸從九品  
俱邑人奏留  
夜大星青白光起羽林軍行至濁

壬午晚刻月犯軒轅南星

癸未起復工部尚書甄庸於南京

甲申嚴反逆家屬在逃之令

乙酉召遂安伯陳英還京

夜大星光青白光出昂行入五軍又大星赤光出營室行入南

河

九月亥武職旗軍見繫者悉具情罪上聞

賑霍丘無為英山懷寧遂安穀城長壽饑

夜大星赤光起壁行入天苑

戊子夜大星青白光出營室行至雲中

壬辰入上閔因決遣四百餘人

癸巳遼東總兵官都督僉事巫凱進嘉禾



甲午夜月犯十二國代星

乙未太子太傅安遠侯升兵至隘留關黎利上書立陳氏并受之不啟以聞官軍連破賊柵抵夷關并意易之左副總兵保定伯梁銘參贊軍事兵部尚書兼太子少保順義李慶皆疾即中史安主事陳鏞言於慶曰主將色驕兵累日不得休且賊或示弱當設伏備之慶強起語升猶不戒至倒馬坡升獨與百數十騎馳渡橋斷陷淖中賊伏起升中鏢死後隊皆不得前右參將都督僉事崔聚歛兵飭伍是日梁銘疾卒明日李慶卒又明日崔聚進昌江值賊象戰我軍亂聚被獲賊

大呼降者不殺官軍大潰即中史安主事陳鏞及李宗

昉後府都事鄆縣潘種等皆死之七萬人無遺者賊強聚降終不屈遇害聚懷遠人以靖難功起家升勇而寡謀銘敢戰得仕心假銘在聚未即敗工部尚書黃福走支稜關被執賊羅拜曰公交父母也福欲自殺守者力止之黎利曰治交者人人如公不有今日矣護還之龍州

袁袞曰昔孔子稱忠信可行蠻貊信矣哉黎利之變大臣如陳洽柳升輩皆死賊手而黃福獨免其惠澤誠固結其心也予至廣西聞交人稱公之德至今不衰非忠信何以



使然哉。蓋西國之人，其心之激，至今不寧。非此，則何以  
談遷曰：王通不任戰，則退；柳升能戰，則慙。豈天意屬此賊  
乎？至佐弑，大臣驚隕，相繼不潰，不亡。南師之邁，厄未有甚  
於此時也。臣今日，亦難言之。請附  
丁酉朝鮮貢馬五千匹。臣等日，始言其有五，然臣曰：此言  
緬甸大頭目莽得刺為緬甸宣慰使，初緬甸宣慰使新加斯  
仇不邦而死，子弟潰散，至是莽得刺攝事，脩貢。其後，與  
夜大星青白光出天紀，二小星隨之行，至游氣炸散，又大星  
起文昌行，至近濁曉刻太白犯右執法。

已亥復林碩浙江按察使，初中官裴可立督運海寧守禦千  
戶所千戶湯玉賄結之，碩飛章劾抵罪，可立怒訴於上，謂  
沮格詔書被逮。上親訊之，曰：但實對母怖，碩抗言不撓，曰  
臣往為御史按浙，亦人不便，臣今至官未久，又慮不便，故以  
謬語可立臣於可立，無乖忤也。上曰：朕固未信，今白矣。命  
復任勅，責可立改浙江按察使，李素於湖廣。臣等日，始言其有五，然臣曰：此言  
庶子。上諭戶部曰：比聞平陽夏秋亢旱，稼穡不登，他州縣  
皆不以聞，有畏忌乎？其勅山西布按二司察旱傷所在，免其  
賦，令有司加撫綏，毋使流移。



壬寅夜大星光清拍起漸臺行至天紀

癸卯封周府有頡遂平王有熅封丘王有熅羅山王有烟内

鄉王有燭胙城注秦府志塚宜川注古早初蘇不望外世錄

端扶風岐山鳳翔賢雞麟游汧陽郡高陵武功醴泉旱灾田

租

乙巳松潘蠻就撫行在錦衣衛指揮何敏請止陝西之兵

止命侯之

丙午四川龍州人請改宣慰司不許

戊申封右軍左都督李英會寧伯以西蕃功祿千一百石

十の

壬子蠲長垣開祁徐宿豐沛蕭碭山水灾田租

十 朔辰 上御奉天門諭少師蹇義等曰書云萬邦黎獻共惟

帝臣惟帝時舉詔書求賢朕日夜寤寐之天下之士豈無伊

尹傳說諸葛孔明者卒未見也此一二大臣所薦舉授事未

久賄於貪饕或曠諸鄙朕柯賴焉進賢退不肖卿尚慎職事

以副朕志

丁巳昏刻大星赤光出女床行入閣道又大星赤光燭地起

北河行至參旗

戊午免蕪湖水傷田租



夜大星青白光出狼星旁行至濁又大星赤光出紫微東蕃  
行至濁又大星青赤光燭地出軒轅行如星宿

己未初漸寒命法司簡輕因入國直入大星赤光出  
辛酉夜大星赤光起天柱行至天厨

壬戌行在大理寺左少卿李謙口訥改饒州知府  
夜大星光青白光出勾陳一小星隨之行入天棓

癸亥夜大星光黃白起畢行至奎  
甲子蠲西毋泥岷等灾傷田租

乙丑擢柳州照磨曾節為行在河南道監察御史起通判姚

兼善行在江西道監察御史皆求賢應薦者

思南府通判卓禮秩滿長官司誦其德命進同知吏部謂貴

州例裁同知工曰勿拘例復王謙壽州知州增俸從四品  
丙寅與上閱法司所具囚狀出八百餘人

丁卯昏刻大星赤光起彗行至近濁  
癸酉夜大星赤光起太微垣行至游氣

甲戌廣昌王濟煇薨謚悼平  
夜月掩五諸侯星

乙亥琉球中山王入貢



命行在戶部下南司寬恤東昌高唐成陽蓋屋興平安東清  
河俱旱傷

丙子松潘肇復出掠陷綿竹鎮撫侯璉

夜大星光黃赤起壁行至車府

戊寅交趾總兵官成山侯王通集軍民棄交趾城出下哨河

立壇與黎利盟互宴餽約退師

己卯賑松滋新城壽昌饑

庚辰征南將軍黔國公沐晟等臣交趾水尾縣之高寨賊水

陸拒守道沮乃分哨徐進

辛巳監察御史李琦羅汝敬為行在禮工部左右侍郎

夜大星赤光起閣道行至近濁

壬午行在鴻臚寺工部選侯柳升所奏黎利書

癸未黎利遣偽翰林待制黎頴久同成山侯所遣指揮闕忠

進表及方物表曰安南先陳王臣順三世孫臣嵩暴黎賊篡

弑臣族殆盡臣嵩奔老撾以延殘息二十年今國人聞臣尚

存逼臣還國云天兵初平黎氏詔訪先王子孫一時未得乃

建郡縣皆欲臣陳情請命謹奉表上示諸大臣英國公張

輔曰詐耳太宗皇帝勞師有年矣當益發兵安遠成山侯



非將也而少發兵少發兵不足以制敵臣請出保一年擒利  
上默然塞義夏原吉對如輔楊榮楊士奇勸息其上曰止  
戎為武吾民得安人言莫恤其與之  
高岱曰成祖取安南亦席百戰之勝以復漢唐故境耳  
豈不虞其數反覆連兵之久也雖其後屢叛而屢討定之  
成祖亦心悔之矣夫得之無益軍國之需棄之非撤藩籬  
之險又何必捐吾中國之赤子而疲於奔命哉當時北棄  
大寧而關交趾誤甚矣宣宗之棄之宜也縱宣宗不  
棄豈能至今存耶祖訓曰東南諸夷限隔山海不可加

廿二

兵惟北也吾之世仇境壤連接後世不可一日忘備三復  
聖謨太祖之神謀遠慮真卓越古今而不可及者  
王世貞曰洪武時傳將軍下雲南得大理郡大理古六詔  
唐時勝兵近百萬與中國抗幾併蜀今斌然內郡亡慮  
矣用兵等耳豈善後之策異耶非耶國家地贏於交州而  
取奇大理稍相析然去漢唐時遠矣  
蘓濬曰西京之時寬以文網而因其習俗故其民安東京  
之時導以禮法恐以兵威故其民疑至漢之季而吏病民  
民亦病吏幾不可收拾矣唐宋而後尤有甚焉墨吏利於



山澤之貨以安南為奇貨藉山而治竭澤而漁虎狼之性  
反噬隨之其號為強有力者喜以功名自樹今日召募明  
日徵輸馘首未聞而捉襟立見奈之何民不窮且盜也元  
姑七論我國家威德邁而京遠甚然取之而不能守也則  
其政可思已西漢時交州置官為刺史者一為郡守者三  
邑令不數我朝則列為三司分為十七府州縣且以百  
計而又鎮以中官彼其入豈皆飲水茹蘗匪躬之故耶聞  
之掌故若參政馮貴已有墨聲而中官馮麟尤甚初政若  
斯後將安極民之瘁而夷也勢也

楊寅秋曰嗟天子於交款未嘗不抵掌仁哉章皇之視  
福兩粵亡窮也播紳學士弔身遘猥云文皇得之艱難  
章皇棄若遺跡詎知實匏不可器而石田之不可藝哉  
宣皇豈不忍塗中國肝腦以事外夷千古明鑒胡可也  
冒起宗曰交趾之罷二楊以息兵養民為言其詳見之諭  
對中英國襄夏諸臣始終異其詞不能同也斯二者謀國  
之大較也爰稽其時張輔尚在宿將威名南人震懼黃福  
思信決乎侏儒斯皆足以定交也福以仁廟中詔還  
談遷曰宣宗夙從成祖在行間知兵事神武英暢後



於交趾決棄之無少顧戀非怯也痛南服之民觸鋒鏑犯瘴霧身膏草野者不知幾十萬衆也矣舍是弗戒必大徵發即以英國往矚此承突不十年旋警又旋戢羽檄相尋事變猝起天下事安知其所終哉且地力微薄分粵餉以贍之不惟窮交又窮粵矣故宣宗之棄義同舞干不當以珠崖事等漢元帝之靡之第王通懦甚急於退師嗚華人數萬於絕域深為可罪而馬騏之贖唐宜肆諸市朝以謝此一方之飲恨竟釋而不問噫三尺安在哉三尺安在哉

朱國楨曰安南事人皆以吳漢東晉兼併為例不知古今之事勢強弱便利不同宋末漸強勝國三破之而不能有我朝三定之悉郡縣其地而亦終歸於棄非直形勢之不便亦事力有所不給也兩廣僅隔一嶺川楚江福環繞三而二百年中大征凡九所經重臣名將凡幾猶時踏不能盡化為良民而况嶺外又數千里惟滇廣兩路可入谿谷周遭千回萬疊蠻夷穴窟其中教化所不及霏風雷所不及迅者哉當時連兵二十年以討逆勢不得中止而最後宣皇決策三楊佐議割此贅龐終得寧帖蓋中國



之力十七注西北十三注各山海而此荒者有之不為  
利反為害也至嘉靖間建議征討虛聲恐嚇幸而集事稽  
首國臣十回萬幸免其害其中若山海不又東風雷所  
茅瑞徵曰國家拓鏡亡於漢唐而既得復失有遺憾焉或  
謂英國庸功屢奏即留鎮如黔國南人當不復反而以刑  
餘荼毒隳於成績且計黎利縱橫英國尚矍矍令虎旅再  
發應如子儀之走回訖而竟引棄珠崖為例蓋天子意  
既厭兵而伏波前車英國當亦籌之熟矣自韓魏公謂交  
州險僻多潦霧瘴毒得其地恐不能守廉以戎索聽為外

知匪是矣頃黎莫互爭悉我全力可乘其敝而戍單弱曾固  
不圖之不遑安問啟疆事王弇州言國家地羸交州而奇大  
西理稍折殆幾是哉

十一月朔行在禮部左侍郎李琦工部右侍郎羅汝敬左通政  
黃驥鴻臚寺卿徐永達持詔赦交趾詔曰安南疆於海界衣  
冠君長不屬股肱大明受命其國王陳日隆恭天之威首先  
百蠻歸順誠我太祖高皇帝逮於後嗣一心終始賊臣黎  
季犛父子稔惡殺君篡國屠宗交人靡告我太宗文皇帝  
愍其覆絕出師致討生擒兇渠求故王後立之屬族逃竄歷



父弗獲乃割制為郡縣吏撫綏之吏不得人致其弗靖以塵  
王師冒露寒暑朕忍一隅獨淪墊溺交人思陳之先曰其遺  
孤焉尚存食為請命其契朕所以奉承祖宗存亡繼絕意  
交趾吏民無小大罪皆赦之安南耆老具書實以聞冊封朝  
貢如洪武中故事遣都指揮張凱指揮僉事田寬勅成山侯  
王通等所置文武官吏皆班師解職還京  
丙戌以寒臣休百工  
瓜陸入貢  
曉刻辰星犯氏

癸巳增陝西布政司按察司各一員監視寧夏甘肅沅岷等  
衛糧儲  
十 曉刻大星赤光起角行至天市東垣

甲午賜左都督把台姓名曰蔣信忠勇王金忠之物錦衣衛  
指揮哈只姓名曰李誠  
乙未 皇長子漸鎮生 貴妃孫氏出 日下五色雲見

己亥詔赦  
庚子命南京法司示預外訟  
夜大星光青白起氏行在游氣



壬寅英國公張輔等率百官上表請立太子  
甲辰司禮太監侯泰有罪下獄泰初通高煦  
及選駙馬橫虐受賄

免衡陽水災田租

夜大星光青赤燭地出閣道行至雲中

辛亥琉球神宗王入貢

十月未許寧夏罪囚納贖

庚申貴州永定衛長官司蠻作亂

癸亥內官張善伏誅善監饒州磁器貪酷不堪又上供器分

魏同刻

夜大星青赤光燭地起奎行至天津炸散

丙寅行在工部營繕司主事黎澄為右侍郎祿而不任

己巳進士繆讓黃成劉伯天後府都事張昇左府都事朱禮

江西按察司檢校衛鎮灤州布衣王顥為行在監察御史西

安府檢校李讓順德府檢校孫冕為行在禮戶科給事中

庶午限僧道度牒如永樂十六年例

交趾總兵官成山侯王通等巡師自陸還廣西太監山壽及

陳智等自水還欽州裁官旗軍吏等及家屬還者八萬六千



六兩四寸八餘被阻過前縣里及家縣還前六兩六寸  
辛未昏刻木星赤光起須臾行在游氣雲氣西大觀山毒  
甲戌長隨內使喜安坐難誘伏誅

夜白鉉滑月輪則對針針紅星出行五野中

丙子復嚴捕盜法

丁丑陝西旱命有司開倉賑濟出絹五萬匹綿布十萬匹給

其尤艱食止一切科徭

壬午廣西立溫衛土官指揮僉事黃玠為廣西都指揮僉事

工作書魏詩示行在戶部尚書夏原吉詩曰閩中歲屢歉民

食無所資郡縣既上言能不軫卹之周禮十二政散貧首所

宜給帛遣使者發廩飭有司臨軒戒將命適往母違命下

苟或後施濟安所期吾聞有道世民免寒與饑循已不違寧

因情書魏辭

欽州漸凜峒長黃金廣

峒十九村二百七十戶叛附安南黎氏封經略使經略同知

僉事等官世守其地屬萬寧州

五

六



戊申宣德三年

正月丙命行在工部右侍郎黎澄全俸支米澄晏南俘人而貧

丁亥都指揮僉事黃斌張貴鎮守龍州坡壘等處聽總兵官

都督山雲節制

庚寅以哈密忠順王亦答失里幼立故忠義王免力帖木兒

之子脫懽帖木兒嗣忠義王同忠順王撫其部屬

立奴兒干都指揮使司

和寧王阿魯台貢使歸上書諭之賜綵幣五十雙

夜大星光青白自張至翼

癸巳遣內官李信林春李貴郭泰等初賜亦力把里別失把

里亦昔濶哈烈馬綽兒亦刺黑城把答失罕撒馬兒罕賽蘭

城掃即城達矢干城失刺思亦思弗罕及坤城等國文綺

夜大星光青白自軫至庫樓

甲午亦上南郊

夜大星光青白自角行至游氣

松潘叛蠻復就撫

丁酉行在通政使李喜為北京刑部左侍郎

辛丑四川萬縣訓導李鐸請考正從祀先賢名位免差訛失



次從之... 癸卯貸照縣倉粟... 夜犬星光青白起天厨行至濁

甲辰辰哇入貢自貢... 已也亦力把里王至思入貢

丁未遣指揮僉事黃照化等勅諭兀良哈時牧馬灤河或請擊之... 武人子弟... 武人子弟... 武人子弟...

戊申朔州知州張復委舉軍中子弟楊鑑等吏部謂制不及... 武人子弟... 武人子弟... 武人子弟...

辛亥吳縣巡檢譚復奏舉宋范仲淹十二世孫希正命吏部召之

二明寅命御史彭謙給事中高舉往四川筠連給事中楊鼎往北畿御史趙儼給事中李蕃往河南御史羅亨信給事中李錫往山西御史王璉給事中李庸往浙江御史汪景明給事中彭璟往江西御史李立給事中孫確往蕪松常鎮御史劉信給事中武達往應天安慶池徽太平寧國廣德御史姚震給事中吳信往廣西御史裴俊給事中李應庚往廣東御史陳貞虞給事中楊中往淮揚廬鳳和滁御史賀敬給事中車



遜往湖廣御史王俊得給事中丁銑往山東御史尹崇高給  
事中吳澤往福建各清軍賜勅列條例十一  
乙卯名皇長子祈鎮賜璽書  
丙辰宥交趾逃軍罪限兩月回籍  
命招廣西富川縣獲賊  
戊午立皇太子祈鎮以尚幼傳制冊寶入文華殿門中皇  
太子四拜內官冊訖受冊四拜內官出以節授正副使曰禮  
畢而退詔天下  
已未許慶王榘復居章州

廿六

夜大星光青白起東并行至玉井

庚申交趾總兵官成山侯王通等奏黎利同陳暲奉表謝罪  
貢代身金人銀人并還都督蔡福等官吏四百七十八人兵萬  
三千一百九十六人馬騾千二百匹乞班師 上責通等擅  
歸南寧無人臣禮其首儀入之尔同內官山壽馬騏等還官  
壬戌大星如斗赤光燭地起右攝提有聲五小星隨之至近  
濁炸散  
甲子徙靈州于戶所於城東  
乙丑陝西指揮劉昭往諭文縣守禦千戶楊瑛往諭生番脅



詢需索激變下都察院獄  
甘肅總兵官崇信伯費瓖卒瓖定遠人祖愚燕府左相後改  
燕山中護衛指揮使再傳瓖從靖難歷後軍都督僉事巡海  
捕焚魁鎮守寧夏甘肅平叛積功先帝封性和易善撫  
士卒在兩陝二十年境內寧靜予祭陞晉山壽山縣令  
夜大星赤光起天廟行至天相炸散  
丁卯上奉皇太后游西苑上壽萬歲山獻詩頌德  
戊辰勅三法司慎刑  
己巳儒士劉嘉會舉至京以老聽自便

廿七

燕行諭行在工部尚書吳中昨奏徵陝西民工赴京比年旱  
荒又道遠其止之

南京戶部尚書右朴卒朴字文質陳人洪武中監生癸酉鄉  
舉求祿養授工部主事憂去改兵部歷郎中拜右侍郎永樂  
初遷左侍郎從北狩洪熙初改通政使尋長戶部守官三十  
餘年家無餘貲第畏慎避事知弊不韋云  
甲戌順天府尹曹魯奏事失度降廣東布政司右叅政  
丁丑上林苑監正康爵為南京太常寺少卿江西按察副使  
郭良為順天府尹安吉訓導徐備德平訓導年富為行在吏



科給事中鄒陵訓導王賢灤縣訓導郭麟為行在戶科給事中  
太平訓導吳獻為行在工科給事中  
復北流知縣李植黃巖知縣劉道成進祿一級俱縣民奏留  
成寅昏刻大星赤光燭地起即位行至梗河  
己卯諭尚書蹇義等貢舉人材皆引內廷考試科道錦衣衛  
官監視  
誅松潘衛千戶錢宏謫都指揮高隆為事官韓整鄧鑑等成  
廣西  
庚辰劉基曾孫劉毅以照磨聽補上以基故復刑部照磨

廿八

是月上作帝訓二十五篇君德奉天法祖正家睦親仁民  
經國勤政恭儉戒傲用賢知人去邪防微求言祭祀重農興  
學賞罰黜陟卹刑文治武備馭夷保生

三月未朔廢 皇后胡氏立貴妃孫氏為 皇后先教日召張  
輔襄義夏原吉楊士奇楊榮諭曰有事欲與卿等議誠不得  
已然吾意決矣 中宮屢產不育日者言其不宜子今貴妃  
有子母從子貴古亦有之第中宮何處也曰歷舉其失榮請  
廢之 上曰廢后有故事否義曰宋仁宗降郭后為妃 上  
問輔原吉士奇何無言士奇曰古人云臣於帝猶子事父母



今中宮母也群臣子也子豈當議廢母榮曰有上命可群  
臣能止士奇曰雖上命亦須善處之上問輔原吉云何  
皆求善處原吉又請退議以聞上問此舉得毋外議乎義  
曰在古有之何議焉士奇曰宋仁宗廢郭后孔道輔范仲淹  
率諫官十數人人諫被斥至今見譏何謂無議既退榮謂原  
吉士奇曰上意決矣非臣下能止原吉曰正當議處中宮  
士奇曰今日所聞中宮之失罪非當廢議未決明日上  
召士奇榮至西角門議云何榮袖出一札列中宮二十事  
極詆之云宜廢上覽竟色靦然變曰渠曷嘗有此言宗廟

廿九

無神靈乎遂袖之顧士奇云何曰漢光武廢后詔曰異常之  
事非國休福宋仁宗廢后後來甚悔願陛下慎之上不  
憚而罷他日又召問五人輔原吉願陛下慎處士奇曰  
皇太后在上必有主持上曰太后令朕與卿等議之是  
日議未決後獨召士奇武英殿密諭當若何士奇曰問中宮  
與貴妃平昔若何曰甚睦但中宮疾踰年貴妃日過候也  
士奇曰乘其疾導之辭位遜居別宮則進退有禮上首肯  
曰吾試入導之數日獨召士奇曰卿前論中宮果欣然允  
矣對曰願陛下待兩宮如一昔光武廢郭后而恩意加厚



上曰然吾不食言明日以語義等皆曰善議遂定胡后  
濟寧錦衣衛百戶胡榮女永樂十五年選入及冊后官榮中  
軍都督僉事兄安府軍前衛指揮僉事正后嘗規上游獵  
見忤坐廢貶號靜慈仙師  
談遷曰吾於冊儲而甚疑當日之事也去年十一月乙未  
皇長子生壬寅廷臣上青宮之章世母有子生纔八日遽  
亟馬推奉之如不及者哉亡何而胡后廢矣則冊  
太子者所以為孫貴妃地母以子貴之說所由進也胡  
后失權久其廢不在三月癸未而在樹太子以為名諸

冊四

臣順者望風結舌唐猶有褚遂良韓瑗宋猶有孔道輔范  
仲淹至於今日直曰有漢宋之故事不足異也楊文舉首  
進調說重玷主德楊文貞彌縫其失亦規亦隨脫五人執  
義以爭如出一口則帝終遲疑翟不改其色矣而如  
五人之無有堅救也文貞能存趙邸未能存其胡后抑齒  
角之難全耶乃實錄載胡后再請就閒貴妃再辭坤極  
位避謂皆其誠心大非人情後史氏飾美不為有識者所  
胡盧乎  
夜大星赤光起文昌行至太微西垣外



甲申暹羅入貢  
乙酉夜大星光青白出參入參旗

丙戌初行在吏部戶部禮部兵部工部五軍都督府北京行  
後軍都督府錦衣衛諸親軍指揮使司各諭以職任務以  
戊子封張懋丞正一嗣教崇脩至道葆素演法真以  
逮彰德衛都指揮王友以貪虐不法屢見劾又薨趙王兵圍  
之趙王以聞又不迎詔

壬辰上閱法司所上獄狀決遣四百餘人  
夜大星光青白燭地起即將行至貫索

癸巳和寧王阿魯台入貢

免畿內採辦柴薪及先祿寺散麥諸戶作麩時役軍於白河  
渾河上流山中採伐沿流至通州蘆溝橋積貯麥則皇城外  
河西務作水磨三百

甲午前貴州按察使胡器卒器新淦人洪武中監生授善安  
軍民府通判進守泉州教養兼舉遷貴州三年民夷咸戴年

七十一致仕

丁酉交趾偽翰林待制恭少穎上表謝罪請封貢進代身金  
入銀入各重百兩銀爐一銀瓶二絹三百象十四隻沉速香



百六十二斤薰衣香三十罐線香二百枝香十四支龍涎香  
朱國棟曰金人代羅乃蓋蕪文所以載唐太宗者黎利仍  
陋習舛諸大臣其未之考耶

戎戎行在禮部尚書胡濙乞增廣生員定京府學六十人外  
日府學四十人州學三十人縣學二十人其民少之處不拘  
此從之

昭祥符王有燭都指揮王友奏彰德西門外濠上得祥符王  
射矢繫書約趙王不執時友未知已見罪也初上得書故召  
有燭

免瀘州絕夏田租三千七百餘石

庚子夜大星赤光出天市東垣西行至雲中

壬寅封富平王志潔為秦王懷王庶弟瓊煥唐王瓊燁新野

王信燭黎城王信焞稷山王信煊沁水王信焯沁源王孟炬

江夏王季規武陵王

癸卯頒選武臣條式

免山西被災處京役

丁未選致仕武臣任各衙所事得七百四十四人

夜大星青白光燭起向陳入穀



庚戌補賜代府祖訓勅符底簿先是代府火

四朔丑朔交趾使人還勅諭黎利曰朕雖宥罪但立後事重其

同頭目耆老以前王陳氏嫡孫奏上仍還流入兵器

昏刻大星光黃赤出關丘行入弧矢

甲寅勅諭兩京國子監

新作公主府三於諸王邸之南

罷南京諸司脩作初襄城伯李隆請增匠數千人脩內府庫

及光祿寺止不信遣御史陳搏察得其弊

丙辰少師吏部尚書蹇義請汰冗員及吏員濫收者從之

丁巳定折收糧稅例棉布每匹准小麥一石二斗苧布准七

斗細絲每斤准一石二斗大麥二石准一石棉花五斤准一

石米豆紅花子皆抵斗紅花依時直絲綿二十兩折絹一匹

戊午有民言事云首務重農上大是之

夜月犯五諸侯

己未瓦剌順寧王脫懽亦力把里王歪思入貢

辛酉行在戶部請下郡縣採買香蠟銀硃等料三萬餘斤

上以太後命節之

壬戌上聞南京運舡未半載輒道索軍役接送令襄城伯



李隆及南京工部都察院錦衣衛各官監視務滿運  
癸亥榜禁軍官凌官軍士

停四川買辦  
甲子免保定河間洪熙元年通租  
丙寅早遣成國公朱勇讓之

逮山西布政使白思謙參議魯璠按察使張政副使魏清並  
汚怠不職見臺劾

解州潞州旱饑命戶部遣人撫卹  
上作曹參論示輔臣論曰漢世賢相稱蕭何曹參何之相業

著矣參惟守何之法以清靜寧民後世謂之以為不事、朕  
意不然嗣世之君當守祖法為輔相者固當以清靜處之書  
曰監於先王成憲其永無愆詩曰不愆不忘率由舊章參親  
見秦政紛更以亂天下又親見高祖立國之不易則以鎮靜  
輔嗣君圖老成之士也觀其居齊用蓋公清靜民自定之言  
及屬後相無擾獄市至為相務掩人細過擇謹厚長者為丞  
相史吏深刻者輒斥去此其意固有在豈誠耽於酒而塊然  
不事、者哉吾故曰參國之老成人也後世有老成如李沆  
相宋真宗務守祖法不變一切浮薄新進喜事之人不用君



子論宋名相得大體者推沆第一則亦參之力也有不為參者如王晏石呂惠卿輩相神宗以獎天下之人其効可見矣嗟子安石輩動引經義述三代非參所能與知也然國家用參未至乎病民參其未可深誦哉  
庚午貽書周王有墩召新安王有熹以彰德守將王友被拷不伏離間之罪有燭至京謂未嘗繫素忤有熹或其下人陷我蓋上遂召之  
辛未增大名府通判開州判官內黃長垣南樂滑清豐元城濬魏大名佐貳官各一專督馬政

諭行在戶部遣官巡視都縣預備倉

壬申免龜戶遠役

癸酉定遣戍二千里以上高附近衛所

甲戌增脩玉牒命翰林院脩撰苗衷宗人府經歷張河

雲南麓川宣慰使思任發侵南寧州守臣議討許不許勅

諭之

松潘叛蠻平總兵陳懷招撫復業萬二千二百六十九戶

乙亥逃人仍充御馬監勇力復其家

庚辰推官王豫知縣李灝閻皞張鉉周能進士薛瑄趙琰張



善方鼎陳祥周弘章信宗監生張鵬趙勵李序陳斌樂鳳王  
泰蕭全戴謙楊茂滿納陳恕陳宗頌文林俱為監察御史

辛巳貸刑臺畿民倉粟

閏四月朔賜皇妹嘉興公主冊封并源駙馬都尉行在禮科給事中并田子

叙平松潘功進都督同知陳懷右軍右都督都指揮同知趙

安為左軍都督僉事餘陞賞有差

乙酉雲南總兵官太傅黔國公沐晟請討麓川思任發侵鄰

之罪工勅晟再遣諭如不悛止調雲南官土軍及木邦等

夷兵勦之興兵動衆不可不熟慮也老撾宣慰刀線互寧遠

州土官刀吉罕雖助交趾已宥矣

丙戌夜大星光青白起紫微垣行至濁

戊子裁蓮東苑馬寺官吏

辛卯整飭神機營部伍

南京都察院右都御史兼詹事何賢致仕

癸巳昏刻大星光青白出氏行至濁

乙未降王友指揮同知備禦宣府

丙申暹羅入貢

戊戌陽武侯薛祿為總兵官清平伯吳成為副總兵護餉開



庚子河南按察僉事傅啟讓居官勤慎秩滿部民奏其築汴  
堤捍水多惠政上復之增祿正四品

禁採番禹縣鉛沙

壬寅寧王權請南昌城外灌城一鄉田命戶部勘報一千六

百十七頃俱民業上書諭之

丙寅行在工部尚書李友直刑部右侍郎樊敏右副都御史

胡廩往四川吏部右侍郎黃宗戴刑部右侍郎吳廷用往湖

廣各採火木

邵陽武岡湘鄉大雨水壞田稼

丁卯夜大星赤光燭地起危至雷電

戊辰械監察御史嚴暄方鼎吳傑行在兵部郎中楊威刑部

郎中胡珏主事鄭述朱勤戶部主事汪閏等俱耐淫廢職也

巡按山西監察御史沈福言山西蒲解臨汾等積旱饑盡徙

河南宜遣官招撫復業上曰昨日遣賑如不給勸富民分

貸之以俟秋成

己巳復遣行在工部右侍郎羅汝敬鴻臚寺卿徐永達詰交

址黎利再訪陳氏以聞



成安永平吳橋滑吉饑貸官倉穀麥

庚午貴州總兵官都督蕭授奉勅招各長官司叛蠻

湖廣永寧衛大水

辛未建寧府教授彭勗乞建陽縣特祀朱熹蠲其子孫徭役

下禮部議之

南京翰林院檢討陳用為脩撰

復孟驥貴州左布政使李蕃德安府同知俱秩滿部民奏留

各增俸驥二品蕃四品

南京大理寺右少卿嚴升為右僉都御史

賑蒲解隰絳吉霍澤潞臨汾河津翼城曲沃太平萬泉岳陽

鄉寧浮山絳襄陵趙城閻喜芮城石樓榮河汾西猗氏蒲洪

洞垣曲臨晉稷山大寧安邑平陸永和靈石夏沁水陽城陵

川黎城旱饑

上閱法司獄狀遣輕罪六百餘人

復行在刑部右侍郎樊敬右副都御史胡廩官先督餉廣聞

警不進下獄

甲辰行在工部郎中李新還自河南言山西饑民流入南陽

等十餘萬工命戶部遣官撫之給廩隨便居住



戎申下成山侯王通都督馬瑛為事官陳智李安方政布政使戈謙等內官山壽馬騏等下錦衣獄籍其家

己酉曉刻歲星犯壘壁陣  
庚戌下鎮遠侯顧興祖錦衣獄  
遣祥符王有燾還國前書新安王有燾謂同汝南王有燾為之遂召有燾

夜大星赤光起瓠瓜行至心

五胡子朔行在禮部左侍郎李琦工部右侍郎羅汝敬等使交趾還時黎利已殺陳暲自立語琦等曰暲正月十日死別無

有陳後國人共推利守國敢自為之也汝敬怒及宴有女樂汝敬曰吾等往來數月耳暲安得遽死且爾即言暲死爾國嗣止豈用吉禮時乎因盡破其尊壘樂器時天晴忽陰大雷雨震焚利居室利懼起謝

亦力把里以馬鬣陝西  
甲寅行在後軍都督僉事沈清總民兵二萬餘人轉餉宣府給開平

夜大星光青白起亢至濁  
乙卯夜大星赤光燭地起大角行至濁



戊午雲南大侯長官司改大侯州土官司奉軍為知州  
起召少師隆平侯張信戶部尚書還京

復沈友發襄垣縣丞初任滿邑人奏留增俸正七品

庚申行在刑部尚書金純久稱疾屢外散見糾下錦衣衛頌

繫之

辛酉工親閱獄狀遣輕繫五百七人

贈交趾殉節諸臣故遼東都指揮同知永康李任贈都督同

知故燕山前衛指揮使顧福昌江衛指揮使劉順廣西桂林

中衛指揮使徐麒俱贈都指揮同知交趾前衛指揮僉事周

安贈指揮同知南寧衛正千戶蔡顯贈指揮僉事燕山左衛

副千戶柱勝贈正千戶諒江知府廬陵劉子輔諒山知府湘

陰易先贈交趾布政司叅政政平州知州江陵何忠贈政平

府同知內官馮智贈內官監太監俱賜祭給采布召任等子

孫襲職子輔先忠復其家惟指揮陳麟亦殺賊自刎死或言

其同朱廣開門納賊故恩不及按何忠楚紀廖道南撰云贈

南寧府同知實錄云政平府同知政政政平止有州非府也

則南寧為吳

通奉高郵壽霍立德化瑞昌饑貸倉粟



壬申免趙定冀真定平山獲鹿并陘阜平樂城藁城靈壽無  
極元氏曲陽行唐新河隆平高邑贊皇臨城新樂平鄉內丘  
唐山沙河鉅鹿肥鄉邯鄲永平俱旱災田租五分免  
甲戌汝南王有勳新安王有熹伏罪俱免為庶人幽州有  
熹嗜人腦肝膽常以日昃揗人殺而酤之新安之門無行人  
竟與有勳謀搆祥符王並廢不置  
廣西總兵官都督山雲上言黎利脅廣源州土官知州閉邑  
新不從求援上報雲酌之若閉邑新來歸善撫之  
丙子復設駙馬府學錄并源泉訓導李鳴鶴為學錄

戊寅設湖廣劍南樞把峒在上受茶峒在下受茶峒長官司  
鎮遠隆奉永流臘壁峒西坪五蠻夷長官司皆前元土官子  
孫各擁蠻民今就撫

庚辰上作酒諭示百官時即中御史多酣敗或請禁酒諭  
曰天生穀麥黍稷所以養人人以麴蘖投之為酒周官有酒  
正以式法授酒材辨五齊之名三酒之物以供國用書桓  
二荀曰明禋詩既載清酏齊我思成以享祀神明也厥父母  
慶洗典致用酒以事親也豈樂飲酒以燕臣下也酒醴維醑  
酌以大斗醴酒有衍遵豆有踐燕父兄及朋友故舊也皆用



之大者酒曷可廢乎而後世耽嗜於酒大者亡國喪身小者  
敗德廢事酒其可有乎自大禹疏儀狄戒旨酒成湯至帝乙  
罔敢崇飲文王武王戒臣下曰無彝酒曰德將無醉曰剛制  
於酒孔子言不為酒困又禮有一獻百拜然則酒曷為不可  
有哉夫非酒無以成禮非酒無以合歡惟謹聖人之戒而禮  
之率焉庶其可乎

辛巳交阯都督蔡福指揮朱廣薛聚于瓚魯貴千戶李忠伏  
誅籍其家皆棄城降黎利者且為鄉導

六月甲申北京渾河水決蘆溝橋隄百餘丈即築之

乙酉夜大星赤光燭地起羽林軍行至近濁

丙戌同耀蒲城郃陽韓城澄城白水高陵涇陽廊中郃甘泉  
宜川宜君膚施洛川保安秦旱災免田租

戊子掌陝西行都司事右軍都督僉事劉廣為平羌將軍總  
兵官鎮守甘肅

庚寅諭行在工部遣視霖雨潰河隄亟脩築

辛卯遣王貴哈舉前荊州教授陳紹先為紀善永興王志堦  
舉隴西教諭馮益為教授並從之  
諭工部災暑罷不急之役



夜大星赤光出冥仲行入天樞

癸巳上苦霖雨不止命新芻等入城免稅

甲午少保兼行在工部尚書吳中遺太監楊慶官木作私第

上登城樓望見悉之下中獄

大同太原遼澤沁汾諸州縣旱上曰郡縣多告饑朕發廩

勸分無敢後其令有司熟講救荒之政

丁酉南京大報恩寺成

內官裴宗漢盜市官木賄太監楊慶求免事覺下行在錦衣

衛獄

通州大水壞城

己亥諭都察院盜厥事庫局木石磚瓦等料坐死冢戌口外

釋吳中獄復官奪其少保

夜大星光青白起即位行至濁

辛丑召山東布政司左叅政段民四川右叅政李衡江西左

叅議劉中敷福建按察使邵玘山西按察使鄭辰浙江按察

副使魏源四川河南按察僉事柴震傳啟讓

遣內官洪攷生徐亮等往雲南賜孟養及一百大甸木邦宣

慰使刁懷幹等綵綺



蕪松湖杭嘉興大水江溢滄稼命巡視大理寺卿胡聚覈之  
夜大星赤光出紫微東蕃西入文昌又星赤光出五車行至  
雲中

壬寅增富峪等衛經歷及內外衛所倉皆置副使

癸卯夜大星青白光出天市東垣五小星隨之北入紫微東

蕃外

乙巳簡換各處都指揮使

丙午澤州學正趙冕為行在禮科給事中

丁未左都御史劉觀巡視河道

己酉停造新鈔時鈔法阻滯

七月子浦城建陽盜起命捕之

夜大星青白光出北斗魁行至雲中

癸丑雲南路江干夫長刀不浪班叛歸麓川

甲寅免泗州民牧馬及糧稅

丙辰行在通政使顧佐為行在都察院右都御史

葉盛曰佐性嚴重聲望偉然未嘗口毀譽人旦晚來朝房

小憩前河雙藤垂戶外官僚行道以此為驗往有挽驢  
駐馬折而還者雖公遭時得君之盛要亦有憎伏彈壓之



順天河間真定保定廣平岳州各大水傷稼議郵

已未福清民鄭外進瑞麥

夜大星黃白光燭地起五車行至文昌

辛酉行在兵部議沈家門水寨於海寧衛蓋自永樂七年移

沈家門者命下巡撫胡聚計之

甲子誅泗州妖人戴庾仔庾仔偽為御史行鈔法至清河而

敗

乙丑封寧府磐姚宜春王

中書舍人陳登

合茂號定廠

薦歷羅田蘭溪浮梁縣丞工篆

籍入翰林中書

夜大星赤光起紫微垣行至東井

丁卯寧王權進扇且求鉄笛製予之

鎮守河州都督僉事劉昭為都督同知往鎮西寧兼理河州

召守西寧都督史昭及會寧伯李英還京

戊辰上閱法司獄狀釋遣千六百三十五人

妖人奉化樓濂逃建陽民家詐為制書稱故齊王衆進冠服

將起事福建行都司捕送至京伏誅



庚午召鎮守彰德都督李玉還京

辛未停開平運糧

甲戌占城入貢

乙亥青州民劉中等奏流徙秦強縣已二百餘戶居二十年  
今山東有司追還 上聽流民入籍俱免追

丙子夜大星赤光燭地起貫索行至雲中又大星起宗人西  
南行至濁

八 辛卯已 上御武英殿問侍臣歷代戶口盛衰對曰禹平水土  
民莫厥居至桀而耗之湯初視禹不之及紂又耗之武王視

湯初又不及成康時始蕃耗於春秋戰國羸秦漢至文景  
戶口大增武帝好征伐減天下之半昭宗務農至成帝稱極  
盛東漢初率土之民纔十之二三明章後滋殖三國六朝分  
存無幾隨文節儉晚年最盛煬帝又耗之唐貞觀以至永徽  
戶口日增開元又極盛安史之亂耗之宋太祖至神宗始盛  
迨南渡僅一隅之民比歷代戶口之概也 上曰戶口之盛  
必休養生息其衰也必土木兵戈入主可惕然興思矣

壬午 皇次子祈釁生

行在工部侍郎許廓脩居庸關城



癸未行在左副都御史陳勉左右僉都御史李濬凌宴如監  
察御史繆讓行在大理寺右少卿王文貴評事陳永祥諸  
坐失出重囚下獄尋宥之

致仕南京右都御史兼詹事向瑄卒瑄字克忠進賢人洪武  
乙丑進士試兵部員外郎歷通政使應天府尹建文中謫廣  
西永樂初復之坐累下獄數年謫兩浙鹽運司判官先帝

召拜右都御史應詔陳八事瑄有文學歷仕四十餘年疏水  
自適賜祭葬

甲申治各閩稽留索賄之罪

五七

丁亥昏刻大星青白光自箕至雲中

己丑左都御史顧佐考上各省不職御史嚴暄成林韓瑄繆

讓張衡趙琰趙礪趙倫楊居正宋準張士貞司務段凱俱貪

淫無耻張觀王成雷恭王諭司鐸胡暉潘舉牟倫俱貪污不

律李孟瑄王頤蔡寧晏鐸張瑩林真張嘉會司務趙玘俱不

諳政體趙安不習業贖馮斌周毅周瑞老疾上命貪淫貪

汙者謫吏連東餘降縣典史其老疾罷為編氓

夜大星赤光出天倉行至濁

庚寅費釗嗣崇信伯費瓚子



運南京內府大絹十萬匹棉布二十三萬匹於北京  
行在右都御史顧佐舉進士鄧玘等十四人監生程富等十  
一人聽選教官方端等二十人俱堪御史命歷政三月分三  
等擢用

錄用文趾歸附土官知州阮得舉百戶丁射等  
龍陽武陵大水撫卹之

辛卯裁北京行後軍都督府行部於是駙馬都尉廣平侯袁  
容掌行在後府事行部尚書李友直改行在工部侍郎李景  
李嘉改行在戶禮部

甲午省各處差遣從進士魏淡之言時松江差遣官數百人  
淡亦戶部檄往徵糧極言其害

北部行部右侍郎河間蘓瓚致仕瓚貪鄙阿諛 上特免之  
夜月食

癸巳諭朕將因田獵巡邊

乙未英國公張輔陽武侯薛祿簡京衛軍士

成國公朱勇掌行在前軍都督府事

行在刑部尚書兼太子賓客金純致仕時勅疏獄純歡游飲  
見劾下錦衣衛獄 上宥其老



行在山東道監察御史朱仲母為河南按察使  
交趾古雷縣千天長陳汀敢戰義不從賊脫走家口盡沒特  
授錦衣衛指揮僉事

遵化衛夜丁張大川巡石匣口值一騎四射得其馬上壯  
之授本衛百戶

丁酉交趾宣化府土官知府陶季容等來朝許居雲南阿迷  
州

庚子琉球中山王入貢

壬寅都督陳景先脩灤河橋

吳江常熟華亭大雨水蠲租

癸卯勅駙馬都尉廣平侯袁容少師陰平侯張信行在兵部  
尚書張本禮部尚書華蓋殿大學士張瑛戶部尚書郭敦都  
察院右都御史顧佐等居守北京

乙巳夜大星赤光出北斗魁行至濁又大星赤光燭地起北  
河行至北斗魁

丙午告太廟巡邊遣前鋒先發

哈失哈襲後軍右都督馬朵兒保、襲後軍都督僉事孫把禿  
餘有差



釋邊衛指揮千百戶罪還職者百餘人

丁未 上發京師少師吏部尚書蹇義少保兼太子少傅戶

部尚書夏原吉少傅工部尚書兼謹身殿大學士楊榮行在

禮部尚書胡濙兵部侍郎王驥刑部侍郎施禮工部尚書吳

中右僉都御史凌宴如太常寺卿兼翰林學士楊溥太常寺

卿姚友直大理寺少卿王文貴等扈從度潞河駐蹕虹橋見

道經水潦秋田無穫遂戒將士無擾民

戊申次三河縣之草橋

九廟戊朔入薊州境刈田後稍有道秉滯穗 上色喜次州西

字

五里橋諭守臣曰此漢漁陽郡也張堪為政樂不可支爾曹

毋自遜

辛亥至石門驛諜報兀良哈以萬騎內犯已入大寧經會州

將及寬河 上召問諸將咸請擊之或欲徵兵 上曰孽

何能為彼知朕在此自駭走矣直擒之母夫然此出喜峰口

險隘止通單騎若候併兵緩甚今鉄騎三千先赴之或言其

少 上曰兵不貴多遂決親征

壬子至遵化簡三千騎人持十日糧

癸丑勅駙馬都尉西寧侯宗瑛武定侯郭玘豐城侯李賢都



督冀傑以朕親征爾領營卒暫駐遵化留扈從文臣於營惟  
楊榮從上發遵化宿灤陽驛東  
甲寅次喜峰口

定遠右衛副千戶益都潘雄從總兵官巫凱赴興和領前哨  
值一羶山力戰被圍數重中矢死

乙卯上出喜峰口夜啣枚斂甲馳四十里昧爽及寬河距  
營二十里彼以邊戍也即逆戰上分鉄騎翼擊手射中

前鋒三人殪之方戰神機銃疊發死傷大半而潰上以  
數百騎突前望黃龍旗知駕在俱下馬乞降生縛之大獲

其生口畜產輜重

丙辰斬其渠首次寬河命諸將分道搜穴忠勇王金忠及甥  
都督把台請自效從之或曰彼類也往且不復上曰去烏  
亦任之朕獨少二人哉不聽

丁巳至會州  
戊午諸將多俘獲殘上大喜作詩歌慰勞之

夜月掩壘壁陣

壬戌發會州次鉄將軍店忠勇王金忠獲一百十人馬百餘  
牛羊數百上飲併大金爵賜之都督把台俘獲亦至賜如



之  
癸亥 上念孟冬廟享留都督任禮太監楊慶等以卒二萬  
俟諸將畢至而歸

甲子班師宿山站

談遷曰寬河之寇適與大駕會然輕萬乘之重徑馳三千  
騎亦危道也兀良哈之強不及漠北故 宣宗敢身任之  
否則彼雖孽 尚萬餘人蹶突歎關寧可料哉故為當日  
計止付一捷將足矣不必馳翠華而控彤矢也楊文敏在  
事宜少為白登慮獨何無一言耶 成祖四出塞俱不得

全捷 宣宗巡邊偏勝之兵無常勢其後土木之陷又其  
後應州之役俱蔑視強胡乘輿幾殆或寬河有以啟之祁  
招之詩敢豫為 宣宗誦之

乙丑至偏嶺

丙寅入喜峰關分遣近臣巡督關隘守備聞近關虎暴命都  
督李玉率壯士捕之 上往觀射虎中焉

丁卯至遵化之雙城命監察御史摘危從擾民者  
戊辰至石門驛

己巳至薊州



庚午至三河

辛未至虹橋命從臣半歸

癸酉至京

甲戌受朝賀

乙亥山東新城知縣董諒奏老人岳景賢等四十一人陷害

官府侵剝小民 上命布政司治其罪

蠲金壇當塗水災田租貸於潛新昌岷龍游彭澤邵陽倉糧

丙子鄆縣饑免辦銅鉄銀硃雜料

鄭祥符陳畱滎陽滎澤陽武臨穎鄆陵杞中牟沔陽監利俱

大雨水免田租

十<sup>月</sup>辰諭各王府長史輯下明日面諭鄭王瞻垓

行在監察御史張循理等劾左都御史劉觀奸欺貪淫御史

嚴暲等眩穢狼藉又通郎中許性汪濶等歌舞飲戲每差辦

事官出入各五金受嘉興土豪馮本等賂縱獄子輻開酒肆

誘娼淫佚盜官器物通奸吏女中其罪非一 上然之遣人

追觀河南

壬午夜大星赤光出太微東垣行至濁

癸未韓王冲威求遷長沙不許



甲申陽武侯薛祿為總兵官遂安伯陳英武進伯朱冕為左  
右叅將率兵鎮守薊州永平山海并提督各關隘都督僉事  
陳景先仍守薊鎮

談遷曰 帝方凱旋遽遣重將鎖鑰薊永者懼兀良哈之  
乘我之勝而快其忿也廟謨不得不先之矣

己酉 上曰古者師保之任論道經邦不煩以政今少師蹇  
義少保夏原吉太子少傅楊榮皆我 祖宗簡在臣黃髮弼  
亮尚治有司非朕優養老成意可各輟所務朝夕朕側討論  
至理用寧邦象職名儕職悉如故

賜朝鮮世子六梁冠舊五梁等於陪臣

夜大星赤光出昴至濁

丙戌駙馬都尉趙輝豐城侯李賢分印兩京太僕寺馬騾給民  
牧凡三萬九千五百七十二匹

夜大星青白光燭地起紫微垣行至濁

丁亥和寧王阿魯台貢馬

戊子夜大星赤光燭地出天津二小星隨之行至濁曉刻災  
惑犯太微西垣上將

己丑蠲江西德興鉛山銅場夫徭役各增縣丞一管銅課



昏刻月外犯屏

庚寅 上聽儒臣講春秋賜坐啜茗

辛卯行在吏部右侍郎王讓兵部左侍郎曹本左僉都御史  
李濬大理寺左寺丞楊復鴻臚寺右寺丞焦循分督南畿浙

江江西秋租

壬辰夜月犯昴

癸巳曉刻月生五色雲

乙未停浙直造紙買銅鉄并撤催督主事等官

從大理寺  
梁之言

戊戌大雪

上喜作詩

六

己亥太子少保兼左都御史劉觀下錦衣衛獄

夜大星青白光燭地起騰蛇西行至濁

庚子太監郭敬同武安侯鄭亨鎮守大同

甲辰罷遣衛士工役七月以上者

乙巳賑蒲澤沁水靈石

丙午行在廣西道監察御史胡啟先生薦舉不當削籍御史

趙倫姦樂婦戌遼東

丁未都指揮同知蔣貴舟寇雲

十一月 唐戌冊皇妹慶都公主封焦敬駙馬都尉



辛亥浚常熟七浦塘

賑憑祥縣饑

戊午夜大星赤光出軒轅行至雲中

庚申貴州豐寧長官司賊羅文蕩平

辛酉賑臨安新城饑

甲子免追罰鈔

曉刻太白犯罰星

丙寅昏刻歲星犯壘壁障

丁卯監察御史張循理下獄死初御史趙儼按河南虐斃多

六六

人論死循理故善儼召儼出獄飲而逸循理瘐死

戊辰命御史巡察皇城門

夜大星赤光出天苑行至濁

癸酉 樓察使邵玘為南京左副都御史鄭辰為南都工

部右侍郎參政段民署南京戶部右侍郎按察副使魏源署

行在刑部右侍郎僉事傅啟讓為行在大理寺少卿柴震為

南京大理寺丞

行在錦衣衛帶俸指揮東莞鍾法保請採珠東莞海上同內

官往 上以營利下錦衣獄



甲戌 上御奉天門曰風氣夜寒邊士可念也閏墩瞭卒其  
毛襖狐帽急予之敝者易以新

乙亥思州府通判檀凱為應天府治中

丁丑廬陵知縣孔文英黃州教授趙奎霍州學正張杲德清  
教諭尹鏗蒙陰知縣余濯山陰教諭袁海蒲圻教諭朱鑑萬  
載教諭董匡新樂訓導李懋富順訓導楊福南陽訓導王質  
遂安訓導張政新建訓導方端臨安訓導白圭鄭州訓導潘  
岳江都訓導張鼎進士揭稽謝衡施信胡器鄧榮高舉熊翼  
張琦章聰王讓丘俊監生強敏梁軫趙敏郭原陳懋程富張

古心

鑄李志唐琛並為監察御史以顧佐所列三等其上中俱實  
授下等再歷三月以閏

中軍都督同知陳翼卒翼長興人襲驍騎前衛百戶從靖難  
累功陞予祭葬

夜大星光黃赤起輿鬼行至游氣

十二月 辛巳築通州河隄

癸未撤馬兒罕八貢

甲申賑霍絳吉隈臨汾翼城永和汾西蒲浮山鄉寧大寧石  
樓襄陵太平萬泉稷山河津岳陽安邑猗氏絳垣曲趙城臨



晉饑民時繁霜殺菽

駙馬都尉廣平侯袁容卒容鳳陽人尚永晏公主靖難時永平城守功封進贈沂國公謚忠穆

庚寅設筠連縣三全巡檢司高縣江口巡檢司珙縣洞門巡檢司各戍八十人備叙州蠻

癸巳召陽武侯薛祿還京

甲午定儀賓班次從三品序同等官工

乙未命文武大臣錄囚訴枉者五十六人命數上

丙申巡視浙江大理寺卿胡槩械海鹽盜平康等三百餘人

至京

丁酉勒行在錦衣衛指揮任啟右叅政葉春御史賴瑛同太監劉瑛往常鎮蘓松嘉湖巡視軍民利病并勅胡槩協力

談遷曰永宣之間稱承平矣而吳民乃頑悖屢干刑書何也如胡槩械大盜三百人入京所遣護當不下千人頗繁費當日顧晏之重懲奸惡雖津遣不恤日者胡槩葉春並事而又兼用此數人其視此一方民不膏狐鬼焉葉春產海鹽威行鄉曲略無避忌亦強特能自立者與

庚子廣西忻城等縣峒賊譚圓等平



夜大星赤光起外屏行至濁

丙午亦力把里入貢

丁未行在江西道監察御史定海陳憲卒於獄

進士

任御史歷劾江西湖廣莊重得大體舉劾公當草南昌之供  
億三司逮吉晏千戶臧清之稔惡尤其著者同官偶引憲下  
刑部事且白待命施禮署部事不肅臧清夜竊往憲所捶詬  
竟忿死時皆咎禮上深惜憲而厭禮矣

是年中軍都督府都督同知陳輔卒

己酉宣德四年

正朔申朔兩京地震

聽邊將自置私記關防

勅南京左副都御史邵玘考察御史及諸司

陽武侯薛祿護運關平并增戍獨石等

免宣府十七衛歲辦新炭

大賚從征諸臣銀鈔

鈔法壅增兩京蘓松等門鈔



許衍聖公孔彥縉市書福建

戊辰役軍民十二萬人浚濟寧北舊河百二十餘里

己巳上居齋宮諭翰林學士楊溥曰滄海之大江河助之  
古君臣更相戒誘所以致理稱良也輔德陳過卿等勉之母

諛

諭吏部速除內外各官

勅行在法司令雜犯死罪以下得贖米

二月丑朔賑高邑縣饑

戊寅陰平侯張信太監沐敬浚河西務河築隄益京軍萬五

千人

中軍左都督馬聚卒聚武定人靖難功有膽力躔直追封邵  
陽伯謚壯勇妾陳氏自經以殉贈淑人子雄留守中衛指揮  
使

庚辰夜大星光青白出軫行入庫樓

辛巳左軍右都督冀傑卒傑東安人起行伍靖內難至今官  
屢從征伐性直無飾高煦之反列侯或持兩端言其善用兵  
傑曰彼詐而無膽不足滅也竟如其言追封清源伯謚忠壯  
妾王氏自經以殉贈淑人子斌彭城衛指揮使



壬午逮鎮守龍州都指揮余事張貴利軍激變  
夜大星赤光出軫行入庫樓

癸未 皇妹冊清河公主封李銘駙馬都尉

太師英國公張輔行在左軍左都督張昇報府事給全祿勅  
專左右

夜大星赤光出天市西垣入天心

甲申遣官往鳳翔荆建昌韶安陸作鄭襄荆淮梁五邸

乙酉南京地震

丁亥行在工部右侍郎羅汝敬等還自交趾黎利附使貢方

物并代身金人具奏陳氏子孫實已盡所喪吏士兵器家屬  
悉曰成山侯師還之矣臣利有女九歲於亂兵中失之乃知  
為中官馬騏進充宮婢 陛下幸旣以赦臣罪歸此女臣仰  
德萬死無二

復遣監察御史何文淵 科給事中李本清軍陝西

己丑南京守備襄城伯李隆獻鵠虞二出滁之來安石固山  
素質黑文馴甚群臣請賀不許

庚寅免漢陽通租除平谷縣逃賦

壬辰夜月食



甲午定陝西寧夏諸衛納贖例

乙未徙鄧靖王宮妃居南京勅太監王景弘等月給

免各省——文書差誤之罪

申比田比較舊例

昏刻大星光青白出東井行至雲中

丁酉勅法司曰五刑之屬三千莫大不孝有蒸父妾收兄弟

妻者送京師治之武臣及子弟犯者失職母襲者為令

交趾按察副使海鹽戈定遠以御史遷交趾滿考道梗致仕

戊戌夜北京地震

辛丑太子太保忠勇王金忠進太保清平伯吳成進封侯都  
督李玉封新建伯祿八百石並賜誥券

壬寅鞏昌知府孫重昌黎知縣楊禧文水縣丞徐文襄垣主  
簿喬育俱秩滿耆民乞留從之各加俸一級

南京左副都御史邵玘考斥御史沈善劉統王懋蕭全鄭道  
寧楊昭蕭昇曾泉木訥王恭樂鳳潘綱陶圭戶部郎中黃玘  
等八十九人

癸卯前漢府教授海寧曹彥昌憂去以高煦敗服闋不起更  
部檄促之始至欲罪其同逆上以先去置之第服闋不起謫



高要縣典史

乙巳辰哇入貢

禁濫給驛騎

三月未朔建州衛都指揮僉事李滿任求入朝宿衛諭止之

夜大星光青白燭地起張宿至游氣

戊申皇妹丹真定公主封王誼駙馬都尉

太師英國公張輔進特進光祿大夫左柱國成國公朱勇兼

太子太傅

梁顏等衛頭目兒者帖木兒等來朝貢馬 上宥其前罪家

七二

屬被獲者悉還之陞兒者帖木兒都指揮同知餘有差

逮福建都指揮僉事洪貴等以倭攻鎮海衛殺掠

夜大星光青白出貫索行至雲中

辛亥中軍都督僉事孫忠封會昌伯祿千石 皇后父

壬子免四川茶戶徭役

前浙江永康縣丞歐陽齊言縣山產銅礦宜開採 上斥之

丁巳召陽武侯薛祿等還

壬戌都督祁英郭義提督牧馬

免前北京行部侍郎金庫官庠清軍受清豐知縣梁罐私賂



癸亥昏刻熒惑犯靈臺

甲子贈陝西都指揮使王倣妻時氏淑人謚貞烈倣備禦寧夏戰死氏自經以殉

乙丑命少師吏部尚書蹇義少保戶部尚書夏原吉同諸大臣議諸司建言事宜

戊辰昏刻熒惑犯太微垣上將

己巳大星光青白燭地起市樓南行入雲中

癸酉大星赤光出織女一小星隨之行入天津

甲戌行在禮部左侍郎李琦鴻臚寺卿徐永達行人張聰等

七

賈勅再訪陳氏子孫送還中國器械人口

四丙子朔寧王權奏宣德元年八月江西布政司檄謂太祖

高皇帝子孫以祿米定品級臣不勝惶懼 祖訓所載祿米

蓋親、次序無有品級不意自今世始云 上書報之曰

郡王庶子以下品級載於祖訓錄靖江府將軍與群下相見

之禮載於洪武二十九年欽定禮儀此皆 太祖高皇帝所

制非一朝一夕也 太宗皇帝以鎮國將軍等品級與歲不

相應遂加鎮國將軍從一品輔國將軍從二品奉國將軍從

三品鎮國中尉從四品輔國中尉從五品奉國中尉從六品



行之二十有八年矣何以宣德元年八月之事至今始發也  
己卯上虞李志道戍楚雄衛死孫宗侃舉於鄉衛責其補伍  
事聞除軍籍上曰朕方砥士何急一卒之用乎

庚辰慶壽寺僧請募修萬安寺不許

辛巳廣西總兵官都督山雲討平柳潯等盜

甲申釋方政穆肅獄降政左軍都督僉事肅京都指揮僉事  
代州訓導曹禹奏學不堪師願試劇職遂改泰和典史候會試

乙酉行在右軍都督高成致仕

行在兵部尚書張本薦北部行部員外郎徐琦人材陳攷命

七女

改琦職方員外郎攷職方主事

丙戌行在翰林院檢討胡種為脩撰進士張佑賈銓李運劉  
海為行在給事中

丁亥禁臨清諸關不時輕泄

行在吏部左侍郎兼少詹事郭璉為尚書除兼秩

戊子議減漕運寬民力遣行在工部尚書黃福同平江伯陳  
瑄經略福兼督淮北河南山東屯田

己丑進士王懋其兄御史罪死以極刑家屬例禁上曰

皇祖時進士某以刑家子錄用奈何錮之授州判官



辛卯許犯贓官吏運磚後文還民籍武調衛母概仍職役從御  
史王翱等之言

癸巳召太子太師致仕郭資赴京掌戶部

少師隆平侯張信年高免朝謁

丙申命在外文武官歸所給官馬洪熙初給覲官馬寄牧雖  
止之已有給者

昏刻熒惑犯右執法

丁酉薦鮒魚奉先殿分嘗大學士楊士奇楊榮金幼改賜酒  
製詩士奇等和 上曰今日君臣當以卷阿相勗

七六

戊戌行在工科給事中李庸為順天府尹

昏刻熒惑犯右執法

庚子夜南京地震曉如之

辛丑夜大星赤光起天市垣行至陣車

五朔午朔昏刻大星赤光出輦道行入天津

丁未亦力把里捨伯沙來歸居京師授所鎮撫

夜大星青白光出北落師門旁行至雲中

己酉永清縣蝗

壬子袁禎嗣廣平侯 袁容子



哈密貢使都指揮使祀名為都督僉事餘有差  
上親決獄釋輕罪二千二百餘人

諭行在監察御史楊居正司鐸年倫雷恭胡暉潘舉皆貪淫  
不律同嚴暄等至是復命自辨命戍遼東  
癸丑行在禮部尚書胡儼兼詹事府事

甲寅河南按察僉事趙純先以御史按山東受賂娶妾在款  
前當納贖上以憲職削其籍

丙辰經理山海至薊州屯田

丁巳四川安岳縣教諭何澄工十事重兵制擇守令慎財用

七七

興學校選耆老均賦稅防奸弊清吏役肅禮儀平獄訟下禮  
部擇之

戊午脩長沙谷店人舊邸以居襄王罷營櫛州

辛酉府軍前衛都指揮同知陳敬王或為中軍都督僉事

甲子定詞訟原告逃者即放遣被告人

乙丑行在工部尚書吳中請脩代州圓果寺不從

己巳諭行在六部都察院止提辦科買

辛未榜禁倉場攬納偷盜

壬申勅勞遼東總兵官都督僉事巫凱以敗西山



勅監司守令曰吏不得人受賕縱奸民之不平求伸布政按  
察二司及巡按御史二司御史又多非是枉直或禁斃之所  
以赴闕兢衆而京師繁刑夫宜民之道宜使有罪不逃誅無  
罪不遭抑令小民越訴京師不恤死也何以設官為其易心  
滌過錮奸植良毋使豪右肆虐朝廷受怨名於下

申軍都督府經歷彭遠為淮安知府進士李安歐陽洙張楷  
劉士昌為南京監察御史復趙次進太僕寺卿

作典謨詩示廷臣

是月成安縣大雨漳滏二河溢傷稼免田租

六湖廣貴州庠生附試雲南增科五人初貴州附湖廣試遠甚  
己卯夜大星赤光起天廩行至濁

辛巳復山東管河布政司官

乙酉右軍都督僉事吳守義卒

初名把敦杭海山人永樂初  
自涼州來歸賜姓名官涼州

衛指揮同知從北征累  
功追封西和伯謚僖順

丁亥大興縣真元觀女冠求給牒不許還其家

戊子夜五色雲見

壬辰太子太師致仕郭資至京攝行在戶部憫其老惟朝朔  
望



癸巳命開平衛千戶楊洪以二百騎專巡徽  
開封知府劉進犯賊赦後又不法謫為吏  
甲午定文官犯贓依律科斷不贖追誥勅  
昏刻大星赤光出營室入建星

丁酉，魁赤城開平衛指揮方敏適也赤城追敗之

戊戌周府羅山王有燬薨年二十一謚悼惠亡子妃張氏自  
經謚貞烈

昏刻大星光黃赤出紫微東蕃行入勾陳

己亥，犯開平獨石殺鎮撫張信百戶盧讓

七九

庚子陽武侯薛祿為鎮朔大將軍總兵官武進伯朱冕為叅  
將護餉開平

行在戶部議江南民糧舊貯淮安徐州臨清倉今軍轉運北  
京後改民自北運遠甚宜江西湖廣浙江民運百五十萬石  
貯淮安蘓松寧國池廬安慶廣德民運二百五十萬石貯徐  
州應天鳳陽太平淮安常揚滁和徐民運百五十萬石貯臨  
清北畿山東河南民俱運京倉 上從之增徐州倉二十四  
萬石臨清倉七十餘萬石

定官軍有罪內衛調邊邊衛調極衛雜犯依例降調一等



辛丑行在兵部右侍郎曹本降山西右叅政以催徵浙江求  
索非法

浙江按察僉事王鉉憂居受金脫人死獄特削其籍

昏刻大星赤光出北斗魁八亢又大星光青白起參旗行至

濁

壬寅定塌房等項納鈔例

癸卯通丞霸東安武清良鄉蝗命御史督捕

七月未置驛馬勘合

戊申遣兵部科道閱實京軍

九十

己酉行在兵部請流保靖宣慰司流官土宣慰絕命擇土酋

治事

庚戌錦衣衛帶俸百戶黃勝告老請其子為代議以工藝特

恩不許

壬子行在戶部上戶口登耗之數

甲寅琉球中山王入貢

丙辰廣東進白鳥二

己未翰林侍讀錢習禮脩撰劉永清主試應天

河決獻縣



上幸文淵閣與楊士奇楊榮論經史咨政務并召諸學士及  
史官諭盡心史學賜鈔有差

辛酉右軍右都督高成卒成金州衛人起騎士預靖難功予  
祭葬追封營山伯謚武毅

夜大星光黃白出羽林軍行至濁

癸亥管隊指揮張三檀收王榮李舟為將軍帶刀上直下錦  
衣衛獄鞫之

故御史嚴暄謫遼東衛吏逃入京下詔獄

乙丑封行在左軍都督僉事金順順義伯右軍都督僉事滕

定奉化伯並祿八百石

夜月掩昴

丙寅行在戶部郎中蕭翔等刑部郎中金忠劉伯塤戶部員  
外郎張觀日妓飲廢事皆下獄除名

昏刻大星色青赤流東北三丈餘分為二又一星隨之至西  
北沒

丁卯夜大星光青赤起輦道行至斗

覈京軍置籍防欺隱也仍令總督計多寡均額

宣府守神銃內官王冠送海壽醉止田舍。偵殺之并殺子



戶陳諒等曰戒各邊內官女輕出蓋內官恣肆總兵官不能制

己巳占城入貢

故都督冀傑子斌襲彭城衛指揮使命襲任能治事即注衛否則支俸操練

庚午劉觀獄上論死宥之子輻成遠東令觀隨任觀諳刀筆敢斷第墨聲久著至是人快之

談遷曰觀洪武末守嘉興尊賢重士脩學政興利除害有通白金祈獄者為斷其手事見嘉興志總憲之日謂曲庇

嘉興人所受黃白金動千數羅綺不可勝計何先潔而後

緇也政怠於宦成小人干進往往飾一節以為名高迨意

得志盈奸態備露或位未極敗未著觀特其尤者耳

辛未鄭王襄王荆王淮王梁王加祿歲萬石向三千石

嚴逃軍之罪

壬申江西布政司右叅政史怡為應天府尹順天府尹郭良

降山東右叅政

指揮曹泰鎮守彰德

甲戌遣御史治遠東將軍失機之罪



八胡子行在工部右侍郎羅汝敬左僉都御史李濬大理寺右  
少卿傅啟讓鴻臚寺右寺丞焦循郎中趙新胡添祺劉澤員  
外郎張鑑吳傑往蘓松浙江江西湖廣督運初設各處鈔關  
丁丑鄭王瞻垞之國鳳翔襄王瞻塔之國長沙荆王瞻垞之  
國建昌淮王瞻垞之國韶州梁王瞻垞之國安陸

己卯增築山西偏頭關斥堠

太常寺卿兼翰林院學士楊溥喪母予祭葬

辛巳瓜哇入貢

右春坊右庶子兼翰林院侍讀學士王直侍讀李時勉主試

順天

議海鹽縣輸京馬草十二萬束折糧

癸未增勾軍例二十二則

乙酉全椒教諭杜琮寧陽訓導孫純黃州訓導李縉大理訓  
導趙本南安知縣張鑑進士林英曹南陳質達旺劉濱劉啟  
俱為行在監察御史

太監楊慶等率神機營銃卒往薊州永平山海同都督陳景  
先備戒毋偏執

己丑宣府前衛指揮章容私遣二卒採木被殺命治其罪



潛山知縣俞益言國初元旦等節外官禮賀俱舞蹈行十四拜後來惟進表行之節日露祝九拜乞仍其舊從之

庚寅故兵部尚書陳洽贈少保謚節愍子樞官刑科給事中  
乙未河南右布政使蕭省身卒  
秦和入永樂初進士授刑部  
寬恤能容人過至身失不自  
宥也人以是多之年五十

昏刻大星光青白出尾入羽林軍

丙申禁文武官妓飲廢事

丁酉夜大星光青白起天苑行至濁

戊戌遣給事中楊鶴武達王瑩張居傑往山東河南山西順

天清軍萬人赴京上直

己亥昏刻大星光青白出五車行至濁

庚子行在翰林侍講高穀光祿寺丞陶琰服闋並復官

昏刻大星赤光出貫索行大餘發光入濁

九朔午勅諭海西野人女直時數寇邊

辛亥令平陽王濟燻立平陽家廟祭晉恭主

遣將出塞燒荒舊於初冬令改命賜勅

夜大星赤光出紫微東蕃行至北斗魁

壬子重陽節宴文武群臣於午門三品以上及學士加賜御



製詩一章

癸丑夜大星赤光出南河行至濁

甲寅放南北監生曠老者二百五十三人

乙卯復王黼洋縣知縣加俸從六品邑民奏留也

令天下儒學生兼習書筭從北京國子監助教王仙之言

免東昌濟南高唐平原夏津陵今年旱傷田租

丙辰昏刻熒惑犯天江

丁巳免萬泉縣旱傷田租

己未夜大星青白光燭地起北河行至東井

壬戌申明裁種桑棗之令

癸亥宥鎮遠侯顧興祖罪

甲子夜大星光青白起天倉行至雲中

丙寅夜大星光青白起參行至狼星

丁卯勅朝鮮國王李禔曰王間者薦其遠誠海青鷹犬不以

實苑囿遣使來獻使還答王陶器十五几王國誠多怪獸珍

禽然非朕所畜幸自今已之

戊辰脩嘉興陸贄祠湖州胡瑗書院蘇州范仲淹祠魏了翁

書院



己巳昏刻大星赤光出南斗杓二小星隨之行至北落師門  
夜大星光青白起北落師門行至濁

癸酉夜大星赤光照地起卷舌行入華蓋

十甲戌朔夜大星黃赤光燭地起五車行至文昌

乙亥封徽媚江川王徽燂廣通王徽燂陽宗王

申舊制禁約老人犯者巡按御史按察司究問

夜大星光青白出牽牛行至濁

丙子復命都督劉昭守河州史昭守西寧

賞捕倭功倭攻海門衛城千戶徐忠敗之

夜大星青白光燭地出外屏行至羽林軍

丁丑申禁府部公務聽在外官管理不得輒擬奏御史

戊寅常州府同知張宗璉卒璉字重器吉水人甲申進士以

庶吉士遷刑部主事先帝擢左中允上進大理寺丞改

常州愛民如子御史李立清軍苛甚璉爭之不受忿死部民

歸其喪至數千人祠於江陰

庚辰上幸文淵閣與楊士奇楊榮金幼孜學士楊溥曾棨

王直王英侍讀李時勉侍講陳循等閱典籍時政久之賜

酒饌及於纂脩官已作詩賜士奇等

裕閣宏開當異隔充棟之積皆圖書仙家蓬山



此其處上與東壁星相符罷朝一臨視衣冠左右環文儒瓊  
璫綉綺疏忽已燦爛明全鋪從容燕坐日工扶桑初始看曠  
所訓講論啟沃良足娛朝廷治化重文教旦莫切磋且可無  
諸需志績漢仲舒豈直文采凌相如玉體滿賜黃金壺鼎哉  
及時相勵翼輔德當與龍俱度幾致治希唐虞  
夜大星青白光出北斗杓行至濁

壬午宣府總兵官都督譚廣言「入魁守關千戶蘓斌不能  
禦臣親追敗之宜正斌罪工罰斌俸兩月  
丙戌上出倚蘭操示大臣蘭生幽谷兮擘其芳賢人在  
野兮其道則光嗟蘭之茂兮衆草為伍於乎賢人兮汝其予  
輔

戊子朝罷幸文淵閣共論古帝王及祖宗時事工甚悅

編賜鈔

夜大星青白光起羽林軍行至濁又大星赤光出文昌行至

庚寅行在禮部尚書兼華蓋殿大學士張瑛改南京禮部尚  
書仍兼官行在戶部尚書兼謹身殿大學士陳山專授內監

書

辛卯命朝鮮止貢土物勿用金銀器朝使至王國中飲食之

甲午書工閱武郊外發京師豐城侯李賢太子太師郭資兵







丙寅和寧王阿魯台求馬市許之

夜月犯角

丁卯慮朝覲官由陸惠盜遣御史張政白去唐琛同錦衣衛

官沿途巡捕

己巳賑賑縣饑民

庚午賑臨安於潛除內黃水災田租

曉刻月犯天江南星

十甲戌朔秦安州稅課局大使郝智奏中官採天麻野味虐民妨

農乞檄有司採進命所遣人悉召還戒其後遣

己亥北京地震

丙子南海人華發請開番島銀礦不許

丁丑始給京官柴薪

庚寅南京地震

壬午夜大星光青白起弧矢行至孫星

癸未有建言稍改舊制上不聽

甲申行在戶部左侍郎李昺專督通州等倉

丙戌慶成王濟炫薨年四十六謚莊惠

戊子工部司務秦瓌萊州教授高超常州訓導張昺濟陽訓



導張璘武康訓導姚瑩俱為行在監察御史進士郭瑾姚銑  
李原縉龔全安葉穎鄧崙為給事中

已丑蠲鳳陽順天保定河間真定大名永平廣平水災逋租  
十七萬四千九百五十餘石

庚寅秦王志潔被訐奏辭三護衛上書慰之畱其一  
壬辰初命內官亦失哈等率吏卒往奴兒干作舡松花江以  
煩擾報寢

行在兵科給事中李蕃巡關上五事曰布花先給曰時脩衣  
甲曰禁出捕獵曰就近支糧曰停入貢迎送上從之

戊戌右軍都督僉事嚴宣卒宣本遼陽胡人初名火里歹改  
名氏襲新安衛千戶累功陞賜祭

辛丑夜大星赤光起平星至軫炸散

庚戌宣德五年

正朔寅朔大覲受朝賀

戊申棲霞太平寺僧明本等游成山衛詐稱轉輸大王作偽  
詔稱湧安元年招誘文登人械妖黨入京下錦衣獄



泰寧侯陳忠卒例祭葬賻贈上以忠崇欽止予祭

已酉大雪作喜雪歌

辛亥昏刻月犯五車

壬子南京地震

癸丑上南郊

乙卯南京左副都御史邵玘卒玘蘭谿人永樂丙戌進士

授御史歷按江西廣東浙建望風振肅進江西按察使憂去

起福建遷南臺奉命簡黜御史部曹稱旨性孝好負氣治獄

少恕年五十六予祭葬

丙辰元夕宴群臣

辛酉南京地震

壬戌進文皇帝仁宗昭皇帝實錄

黃省魯曰聞之長老高廟實錄一百八十餘卷學士解

公葦掌之文廟實錄一百三十卷大學士三楊諸公掌

之脩高廟時列傳之記注有金匱之鉄券以是一時鷹

揚之佐制作之臣咸得軒、嘉、與神功俊德並耀而無

闕沒至於脩文廟時列傳不知當柄之臣何故抹殺其

事每載一人不過述其姓名科甲轉歷歸老如由狀然中



間略見其為人若何而已雖有殊功顯謨竭力社稷抗法  
萬世一切不錄皆隨飄風春葉以漸滅焉爾噫造備之人  
亦不仁矣哉自是歷朝以來遵習為法善者無大褒惡者  
無深貶而勸懲之意已矣

癸亥和寧王阿魯台入貢

實錄恩賚監脩官英國公張輔少師塞義少保夏原吉總裁  
官少傅楊士奇太子少傅楊榮太子少保金幼孜太常寺卿  
楊溥各金百幣六織金羅衣一襲纂脩兼考較官左右春坊  
張瑛金六十幣五織金羅衣一襲纂脩

九〇

大學士兼行在翰林院侍讀侍講學士曾榮王英右春坊右  
庶子兼行在翰林院侍讀學士王直左春坊左諭德兼行在  
翰林院侍讀周述行在翰林院侍讀李時勉錢習禮侍講余  
學夔陳循蔣驥各金五十幣四素羅衣一襲纂脩官侍講蘭  
從善脩撰苗衷曾鶴齡張洪劉永清編脩周叙孫曰恭楊敬  
檢討王雅楊翥五經博士陳繼戶部主事陳中行在四川道  
御史陳叔剛福建右叅議潘文奎榮昌知縣萬節衢州教授  
丘錫漢陰教諭梁萼各金四十幣三素羅衣同催纂官行在  
禮部主事張習騰寫官行在禮部郎中朱暉陳景茂行在吏



部郎中程南雲員外郎宣嗣宗夏衡行在中書舍人俞宗大  
陸友仁蕭湘羅淵張益各金二十五幣二素羅衣同上騰寫  
副本官行在中書舍人宋琰黃振宗于需凌壽胡鴻劉鉉胡  
且衡解禎期行在大理寺右寺副丘宗楊珙各金二十衣幣  
同上續騰寫副本官行在吏部主事蘇鎰行在中書舍人周  
崇厚各金十五幣一衣同上騰稿及稽考叅對官行在翰林  
院脩撰邢寬蔣禮胡種編脩劉矩裴綸陳詢梁種檢討許彬  
連智馬信周貴孔目沈寅行在中書舍人王璜魁厚胡宗蘊  
龐叙行在禮部郎中黃養正主事黃觀行在大理寺左右寺

副洪益中郎暹各金十五衣幣同上收掌文籍官行在翰林  
院檢討胡讓典籍李錫牛麟張禮各金十衣幣同上時禮部  
尚書張瑛蒞南都檢討周翰卒陳景茂龐叙胡宗蘊陳詢梁  
種皆事去例得賜

甲子行在吏部奏選官退 上因論官制曰唐虞建官惟百  
夏商官倍秦漢以下繁甚何也侍臣曰時有不同 上曰唐  
虞三代其時簡淳至唐太宗定內外官七百三十員去古未  
遠可法侍臣曰君心靜則事簡事簡則官省則民安矣 上  
曰然清心者省事之本



丙寅宴實錄預事諸臣於中府

雲南永昌千戶所千夫長刀不浪班等就撫

都縣官貪汙者戍邊二十五人老疾鄙猥五十五人並削籍

四川總兵官左都督陳懷奏蜀邸忽聲砲察之蓋四川都司

私遺者上責都司官

戊辰少保兼太子少傅戶部尚書夏原吉卒原吉字維詰湘

陰人少孤力學舉於鄉入太學授戶部主事部事曹務叢脞

迎刃而解久之起右侍郎建文初充採訪使巡福建永樂初

拜左侍郎逾月進尚書治水江南恤役賑饑採木運北京營

建文南北征代治餉在部纖悉明脩上問天下錢穀之數具

對不矢升句駕北征兼掌行在六部都察院大理寺事曰朕

以房玄齡委卿每朝退抱案盈庭口手應判犁然就理上

嘗曰夏原吉今周公也後上又北征言餉乏見忤收繫之

先帝即位首釋原吉咨以事宜眷顧優禮上初平漢庶

人原吉決之也時襄義簡重善謀楊榮明達有為楊士奇博

古守正而原吉念弘善斷事涉人才則多從義事涉軍旅則

多從榮事涉禮儀制度則多從士奇事涉民社則出原吉可

否相資中外泰寧而諸臣雅量推原吉第一及卒上輟朝



流涕贈特進光祿大夫太師謚忠靖予祭葬子瑄廕尚寶同  
丞復其家

立濬曰昔人論大臣以德量氣節學術才能四者並言謂  
非兼是不足以當輔弼之任公歷事四朝始終幾五十年  
專掌國計其間雖或兼他官釐別務未始一日離計相之  
任也當內難始定多事紛紜國無乏絕民有益藏非明於  
學術優於才能者其能然乎且一時大臣中稱有德量以  
公為第一公其無媿古人所稱大臣者哉

袁宏曰北都初建庶務皆草創大者如宮殿諸司封建征

討財用四出而夏公從容經畫沛乎有餘天下宴然不知  
有誅歛之擾力役之征節縮浮冗以資計度寬無濫竽塞  
無苛求其大學所謂生財有大道者乎留守北京坐轡八  
印叢脞紛錯迎刃而解贊襄幃幄無非譴謨薦賢引士不  
啻已出謀斷兼資才德並優世稱襄夏實媲美云  
鄧元錫曰天之右人國也必有敦龐壽俊之臣焉斷一焉  
篤醇措天下於乂康夏忠靖當國時功莫社稷澤被蒸民  
乃如山如河更險夷一節也茹納調劑與譽忠定同功故  
是時天下稱大臣曰襄夏或以沉默為襄尚書病然矯亢



為名高者去治象逾遠矣  
何喬遠曰管仲晏子不死其君仲尼無譏焉孟子不願管  
晏然而不罪湯武也 明興二百餘年三楊胡解蹇夏之  
勞能爛然於紀載矣君子猶有不死其君之譏浮沉居位  
又有不免訾者予考三楊若胡舉在建文之朝且士奇以  
處士徵胡廣以及第擢請難師入原吉居斲縉方謫還自  
小吏惟義列於六卿爾 太祖不為君用之刑在前矣士  
有抗志山林卧病不出者誅僂其身家故有自斬趾免者  
有斷措免者佯狂免者覺則未有不死也不則當若周是

脩矣孔子不云乎柴也其來由也其死若夫 成祖以英  
武臨之於上 仁宗父子危疑之間漢庶人軌軌而從其  
後自非周詳慎密曷能保位而終所志乎易曰臣不密則  
失君幾事不密則害成苟錯諸地而可藉之用第慎之至  
也蓋予觀楊士奇出迎稍緩夏原吉一語婉諫繫獄隨之  
解縉廣詞直論其身之不免諸臣所處難以論浮沉矣難  
以論浮沉矣 唐牛封季境岳陽王季焯永安王  
置遠東寧遠衛於寧地



黜南京貪污劄中黃玘等十七人。總事郎中陳懋等十四人。  
辛未。上親定都指揮使馬昇。大寧趙榮。山東都指揮同知  
李貴。崔忠。毛翔。俱山西李榮。武興。俱河南。姜源。向得。大寧錢義。趙榮。  
僉事馬驥。俞綱。俱中都。董興。河南。姜源。向得。大寧錢義。趙榮。  
山西餘注地有差。

夜大星光青白起天廟行至濁

二朔酉免房山良鄉災租

丁丑勅各都司按察司及巡按御史察衛所官才否奏工

太子太保陽武侯薛祿為鎮朔大將軍總兵官恭順侯吳克

忠副總兵武進伯朱冕奉化伯滕定左右叅將率師巡邊  
昏刻大星赤光出星宿行至濁

戊寅右春坊大學士王英翰林院侍讀錢習禮主禮闈

夜大星赤光起紫微東蕃行至濁

己卯宥武定侯郭玘罪玘令家人奪南皮民田宅巡按御史  
白圭劾之宥玘治其家人并天津右衛指揮呂昇

行在光祿寺官竊戒首更供給庖人訴馬下刑部獄。工顧  
侍臣曰華元殺羊享士羊斟不與遂致喪師飲食非細故也

庚辰萬壽節宴群臣為故事



癸未建行在禮部於大明門之東

丙戌罷遣工匠老幼殘疾者不與

丁亥中官採江西泰和縣寒水石恣虐上聞而召之令自

細

都督僉事趙安等還自烏思藏

戊子罷採木軍人遣歸農

夜月犯南角

己丑行在工部左侍郎許廓巡撫河南并賜詩

庚寅行在工部尚書吳中兼行在吏部事時尚書郭璉疾

辛卯建昌知府吳致文卒致文浙江平陽人進士授刑

部主事出守九江改建昌愛民鋤弊以賦重請折收布既沒

民哀慕之

總兵官陽武侯薛祿值下鳳凰嶺斬百餘人俘男婦四十六

人進祿太保

壬辰減松江田租三十萬二千八百一十五石一斗諭舊額

官田不一自今年為始每畝舊納糧自一斗至四斗各減十

之二自四斗至石以上各減十三之著為令已杜宗垣工巡

撫周忱書曰太祖稅天下田畝三升五合有三升五合者



獨蘓松賦重國初籍沒土豪田租有為張氏義兵而籍入有  
虐民得罪而籍入有司不體聖心將籍入田地一依租額起  
糧每畝四五斗七八斗至石以上民病自此而生按宋莘亭  
一縣紹熙時秋苗止十一萬二千三百餘石景定中賈似道  
賈民田以為公田益糧十五萬八千二百餘石宋末官民稅  
糧共四十二萬二千八百餘石量用員斛元初比宋尤輕洪  
武以來稅糧共一百三十餘萬石租既太重民不能堪於是  
今上憐民重困屢降德音將天下官田額遞減三分二分外  
松江尚不一一百二萬九千餘石往古以來未有若是之重

也民俗日耗錢糧拖欠自永樂十三年至十九年財免不下  
數百萬石永樂二十年至宣德三年拖欠亦不下數百萬由  
此觀之有重稅之名殊無重稅之實願閣下轉達皇上稽古  
稅法斟酌取舍輕其重額使民如期輸納者或以前代之法  
遠而難行則宋初兩浙之田均於王方贊元初天下之稅定  
於耶律楚材閣下之才之德賢於方贊楚材遠矣而為所當  
為夫何難哉

顧清曰宗桓均額之說懇切如此而文襄不行必有深意  
蓋時方減稅復議均糧其勢有難行者且糧額既均無復



舊則而民間租例必重於官將來復有籍沒復照租起糧  
則重而又重矣昔人論古額征稅當存其窳名不可併省  
為六設其名後必有因而重徵者元延祐初江浙行省會十  
六郡守臣欲概定田賦平江總管劉繼力爭以為地有肥  
瘠賦宜不齊一旦更始民病何以瘠乎文襄之意殆或出  
於此也今雖其重賦外為賦同而賦重者亦不一  
罷採木軍人遣歸農初無事於一  
癸巳勅行在部院曰朕攷一圖治念人饑衣念人寒今春  
氣已和民瘼未舒懼非所以膺天承 祖宗特頒寬恤之令

蓋朕審思所至者水旱蝗蛙地速視其災以豁賦閭蠲免三  
年以前芻薪之稅招饑徙民復業免役一年所毋責償倒死  
官馬驢騾及虧欠孳生馬匹者停止採買顏料生漆諸物為  
營造監採監買吏召還之俱物非土產毋徵徵所產土除他  
役起科官田一斗以上者減十之二四斗至石以上者減十  
之三戶有二人役工匠者一人歸四人者二人歸一人者聽  
合於他戶一歲二歲相更役年老殘疾悉放免之賍汚士之  
極醜理官上罪必核毋辱人終身  
尾刺順寧王脫權等首馬



乙未上奉皇太后率皇后如天壽山上桑韃導騎步掖過  
清河橋宿沙河  
丙申謁長陵獻陵  
丁酉工侍兩宮謁長陵獻陵過陵旁農家皇太后召問  
老婦間進蔬食酒漿為嘗之  
昏刻太白犯昂  
己亥皇太后召張輔蹇義楊士奇楊榮見行殿曰皇帝  
數言卿等贊輔多用心今太平無事卿等力也賜酒饌  
三朝丑朔雨工作皇陵春雨詩

癸卯上閱馬行營

甲辰中官獲禽上親剖鮮上皇太后畢頌文武大臣乃

自御

丙午清明節奉皇太后祭陵賜從官豈粥

丁未上獻大德頌於皇太后

戊申上省農昌平道中三推其耒耜農人皆呼萬歲賜鈔

六十逐徧賜道旁諸農家作賞春賦宿沙河

己酉還京

庚戌工作紀農一篇述昌平道中語示大臣



安順侯薛貴卒舊名脫火赤昌平人從靖難歷中軍都督僉  
事封安順伯宣德初進侯追封瀆國公謚忠勇予祭葬弟可  
帖木兒為燕山衛指揮

辛亥陝西鞏昌等衛山東沿海等衛俱赴京操練苦遠調內地  
官軍先換

禮部左侍郎李琦等還自安南黎利遣頭目陶公保等貢金  
銀器及方物奏陳氏無後請利權國事再還官吏軍旗萬六  
千餘人

夜大星赤光起天門行至雲中

壬子復宋琥駙馬都尉

癸丑昏刻大星赤光燭地起雲中行至瀆

乙卯策貢士陳詔等百人於奉天門賜林震龔錡林文等進  
士及第出身有差

丙辰免平陽灾糧三十二萬二百五十九石

平江伯陳瑄密奏楚王強富可疑請奪其三護衛不許

戊午廣恩伯劉才卒才霍丘人元元帥來附百戶歷營州中

護衛指揮僉事從靖難封惇福無華不肖且予祭葬

辛酉大理寺卿胡棨奏復熊姓



甲子行在中書舍人胡觀求便養改教授

丙寅進士胡欽丁寧監生李季蕭清李雲蘓恒楊士敏張清

于奎為行在監察御史李雲五十八天內未嘗一日不

乙榜貢士陳文昇乞依親還鄉校特許之時例俱授教職或

入太學

太白畫見

丁卯趙城知縣張秉杖殺一家二人事聞棄市

應城伯孫傑印馬鳳陽諸郡貪暴多受賂還朝下獄追入之

戊辰大理寺卿熊槩為南京都察院右都御史四川布政司

右叅政葉春為行在刑部右侍郎

析置秀水嘉善桐鄉平湖四縣大理卿熊槩言嘉興海鹽崇

德地廣事冗宜割縣分治遂命行在吏部員外郎李亨析之

己巳選翰林院庶吉士薩奇遠端葉錫陳璣林補王振許南

傑江淵改庶吉士令右春坊右庶子兼翰林院侍讀學士王

直教習

平江伯陳瑄上餽運四事俱補各衛旗軍從之

四朔未朔祭商昏刻月犯五車

乙亥法司上大辟十七人上閱牘止坐十人



丙子免平陽去年灾租  
成寅陽武侯薛祿等築獨石雲州赤城鵬鶚堡賜出車之詩  
堡成移守遂棄開平即元上都也在宣府城東七百里金曰  
桓州元中統初置開平府上都歲四月避暑于此八月回燕  
金元宮殿故址猶存國初設開平衛設馬驛東則涼亭沈  
河賽峰黃崖四驛接大寧西則環州威明安隰寧四驛接  
獨石由遼東通大寧由大寧通開平由開平通獨石由獨石  
通興和彼此有急左右旦夕可相接自太寧徙興和廢開平  
孤可犄角宣德中乃棄之橫亘三百餘里而移櫛於

獨石城獨石挺出山後犯必經宣之北門胡騎充斥矣

尹畊曰五原在豐勝之外沙磧之間昔人猶且開渠營田  
以規全利何龍岡之沃灤水之潤開平獨不可田耶又失  
開平則後背雖空尚有宣府獨石之固夫大寧則肩背全  
弱宣遠隔絕矣故嘗為薛祿計曰開平可田屯田可也不  
可田則易置大寧可也

葉向高曰兀良哈之為中國患甚明也分闡建藩高皇  
之慮遠矣內徙於文皇非得已也干戈初戢障塞尚虛  
受弟之請難裁征戎之勞在念權宜移置姑待後圖觀其



次鳴鑿鎮有城殘六守大寧之諭彼何嘗遠割以資夷哉  
犁庭甫定榆木變興雄謨莫究遺憾可知 章皇寬河之  
役威折奸萌假令乘勝長驅刈殘酋復舊疆善繼善述誰  
曰不宜顧上有雄略之主下無謨遠之臣後并開平而失  
之遂便要害藉於犬羊而宣遠隔若胡越禦戎之策從此  
絀焉夫西河套而東大寧失之皆我害也然河套猶明知  
其奪於一而時圖恢復乃大寧藉口於 文皇職方氏遂  
視若三衛之固有故實莫稽而傳訛日甚可勝變哉  
何喬遠曰葉夢熊曰永樂八年北伐至鳴鑿戎語金幼孜

曰城此殘一惟守開平與和大寧遠東寧夏甘肅則邊境  
永無事矣是棄大寧非 成祖意後世謂借扁夷藩籬中  
國悞矣皇宣德五年并開平失之其地三百里由是左右  
臂俱折而松門潢水險固在我夫不得 祖宗之意而揣  
摩其影响以幸苟安此二百餘年之大悞也

戊寅南京署刑部侍郎成均往蘓松等處專理農務

已卯定中鹽例京倉雲南井鹽引米五斗宣府倉淮浙鹽米  
三斗五升山東福建鹽引二斗河間長蘆鹽引四斗四川廣  
東鹽引二斗山海衛倉同寧夏衛倉本衛所引米六斗陝西



山西引米麥四斗五升又獨石例淮浙鹽引二斗五升山東  
河南廣東四川鹽俱一斗五升雲南井鹽三斗

昏刻月犯軒轅

庚辰賑高唐等饑民

癸未重脩玉牒成

起復左布政使李昌祺仍河南署行在刑部右侍郎按察副  
使魏源為河南右布政使

甲申太子少傅工部尚書兼謹身殿大學士楊榮為少傅  
夜大星光青白出雲中行至濁

乙酉安南使人還勅諭黎利如前指

己丑起復浙江左布政使王澤山西左布政使馬璘湖廣按  
察副使余士悅仍故任

甲午易州蝗遣御史督捕

丙申陳灝副泰寧侯陳鍾子

丁酉議京師至獨石糧運三十一堡各屯千人用車六十日

五河悉到武進伯朱冕總督

工部尚書兼詹事黃福上三事曰足食摘操軍十萬人於濟  
寧以北衛輝真定以東沿河屯種淮浙長蘆官鹽籌邊外餘



召商納米京倉兩廣福建稅糧折收絹布貯濟寧歲增價收  
糴市穀曰足兵曰省役議行之召還京師  
五胡寅夜大星赤光起軒轅行至濁

癸卯追奪贓吏誥勅著為令  
丙午始命巡按御史具薦廉能官前劾而不薦至是從御史  
金濂等之言

戊申都督僉事陳敬為總兵官率眾備倭薊永山海

壬子內使韋宗盜官銅製鍍金器過於工供工人訐之治如  
律

癸丑夜月掩房宿

己卯右春坊大學士兼翰林院侍讀侍講學士曾棨王英右  
庶子兼侍讀學士王直並為少詹事兼如故右諭德兼侍讀  
周述為左庶子侍讀學士時勉錢習禮並為侍讀學士侍講將  
驥陳循並為侍講學士蘭從善為司經局洗馬脩撰劉永清  
邢寬胡禔為侍講蔣禮為左中允編脩周叙孫曰恭楊敬為  
脩撰檢討王雅楊翥許彬周貴為編修五經博士陳繼為檢  
討典籍張禮為行人孔目沈寅為經局正字行在四川道御史  
陳叔剛為脩撰儒士鄒循為侍詔諸生朱銓為侍書行在禮



部郎中蔣暉吏部郎中程南雲加俸從四品兼翰林侍書吏  
部員外郎夏衡宣嗣宗為郎中主事張習王觀蘓鎰陳中為  
員外郎中書舍人蕭湘張益凌爵胡宜衡解頴期周崇厚王  
璜魁厚為大理寺左右評事以實錄勞  
翰林院侍講余學夔致仕  
丙辰行在翰林院脩撰曾鶴齡為侍讀檢討連智胡讓待詔  
行在中書舍人朱祚皆為脩撰典籍牛麟李錫為檢討行在  
中書舍人吳餘慶為右春坊右中允仍治中書舍人事俱任  
滿

進士嚴恭陳悌魏淡邵宏譽孫泓監生韓偉張玉為行在監  
祭御史

復獲鹿知縣吳韞巢縣主簿范永皆任滿者民乞留增品俸  
夜月犯斗

丁巳復應城伯孫傑爵

癸亥行在禮部郎中况鍾知蘓州戶部郎中羅以禮知西安  
兵部郎中趙豫知松江工部郎中莫愚知常州戶部員外郎  
郎是知武昌刑部員外郎馬儀知杭州陳本深知吉安監察  
御史陳鼎知建昌何文淵知温州時郡守闕擢京官廉能者



不以次俱賜勅乘傳勅曰祭其休戚均其徭役興利除弊一  
順民情毋徒玩愒毋事為簡毋為權勢所劫毋為奸吏所欺  
凡公差官員人等有違法害民者就提人解京  
乙丑立臨安衛中右千戶所於梨花舊市柵而不城  
置雲南廣邑州及東山口巡檢司永昌副千戶阿干地  
丁卯永康侯徐安行在工部右侍郎羅汝敬提督運木  
夜大星青白光起紫微垣行至渴  
戊辰豹房勇士奏與民析居上曰彼在京十餘年獨無居  
乎必利民舍噓之耳錦衣衛報其居城中於是械勇士示警

昏刻大星青白光起軒轅行至游氣

六期午朔勅河南巡撫許廓蠲三年以前逃民逋租

辛未誅宣府前衛指揮僉事王林以龍門關守備不嚴也

癸酉琉球中山王入貢

復陳璉南京通政使罷攝國子監時服闋來朝

夜大星青白光起關道行至文昌

乙亥太子賓客兵部尚書張本署行在戶部

免易州涑水復業逃民九百九十五戶逋租

置雲南孟緬長官司



戊寅遣太監鄭和等詔諭忽魯謨斯錫蘭山古里滿刺加柯  
枝卜刺唯木骨都東喃勃利蘇門答刺刺撒溜山阿魯甘巴  
里阿丹祖法兒竹步加黑勒等二十國及舊港宣慰司  
已卯永平衛興斗州左屯衛靜海縣俱蝗遣官往捕諭戶部  
曰往歲捕蝗之使聞不戒鄉尚飭而後遣之曰作捕蝗詩示  
尚書郭敦  
行在兵科給事中李本乞減教官之數不許  
壬午置萬全衛都指揮使司隸以宣武等十六衛初後府統  
改雲南金齒軍民指揮使司干崖長官司隸雲南都司

甲申朝使還自西域言曲先衛都指揮散即思歡劫使者梗  
貢道命都督僉事史昭為副總兵趙晏王或為左右參將同  
太監王安王瑾率兵征之

乙酉行在戶部以實徵總數編勘合發各官填繳按之

運絲綿布絹棉花及農器茶鹽於各邊依價收買陝西專參  
政陳瑛山西專參政樊鎮口外專戶部郎中王良等

曉刻月犯十二國秦星

丙戌戒內臣等官私帶鹽貨

戊子召署湖廣都司事後軍都督同知鄭銘還京



設雲南騰衝州改騰衝守禦千戶所土官副千戶張銘請立  
州從之改銘土官知州

已丑令刑部主簿一監察御史一監視南北各洪開治水訟  
覈各處倉糧溢者盡許折鈔從長訂教諭陳敬宗之言

辛卯都督僉事方政為副總兵自開平獨石至長安嶺永寧  
巡徼

癸巳免宣德以來逋欠桑穰

己未鄭王瞻峻奏長史王淪典賢趙彛侮慢上知淪直遂  
併彛不問

左春坊左司諫郭濟為滕王紀善居數年改行人使諭安南  
正統初出知鎮江年七十餘卒官

朱睦㮮曰王公子清淪在鄭郭公濟民在滕皆以諫諍議  
論斐然可述當是時諸王雖有恣心隱惡猶存畏憚而不

敢肆也其後子清由長史入為戶部侍郎澤民由紀善累  
遷鎮江知府自此法弗行則傳相率老死王國不得齒於

甲有司而銓衡遂多以毫昏者置之故利祿之謀熾而諫諍  
之風衰如此欲侯國弗奸於法難矣

戊戌太白晝見



是月，再犯遼東

七月，亥朔夜大星赤光起天市垣行至房

甲辰誅鄜州妖人申敏敏府軍前衛卒逃寧州假佛法惑衆  
丙午夜大星赤光燭地起七公

丁未行在吏部文選郎中鄭誠為右侍郎兵部武選郎中吳  
璽為行在戶部右侍郎翰林院侍講學士蔣驥為行在禮部  
右侍郎行在兵部職方郎中柴車為右侍郎行在刑部員外  
郎蔣勉為右侍郎刑科都給事中賈諒為行在右副都御史  
兵科給事中徐初為行在大理寺卿廣西道監察御史吳訥

為南京右僉都御史

復會稽知縣陳皞以註誤當城旦邑人言其蕪平上原之

戊申四川茂州進瑞麥太廟側產嘉禾止勿賀

南陽大雨水

昏刻月犯房星

庚戌昏刻月犯箕星

壬子命監察御史熊翼巡捕陝西京差之害民者蓋御史于

謙言之

癸丑賑景州饑



甲寅賑無為州饑

丁巳邵武通判周仕迪改開封署祥符事先宰祥符見思

開臨清月河置閘免官舟徵稅

庚申進士李在脩吳晟監生許義劉睿秦俊為南京監察御

史

復趙恂山西都司經歷吳祥嵩縣知縣朱宗才姪安府檢校

羅益恭水西驛丞俱任滿吏民奏留進俸一級

辛酉松潘衛指揮吳瑋貪虐激變番人棄市籍其家工部

太保陽武侯薛祿卒祿膠州人起卒伍佐靖難功封智勇兼

十年

備每戰輒克平居無事言邊事屢不置追封鄭國公謚忠

武予祭葬

壬戌行在戶部左侍郎王佐同內官李德巡視京師臨清淮

徐等倉員外郎楊貞內官梁谷監督

癸亥勅吏部別守令賢否

昏刻大星赤光起閣道行至內階

甲子免安慶民歲運鹽鈔赴北京

夜大星赤光起卷舌行至天節

乙丑行在禮部右侍郎蔣驥卒驥字良夫錢塘人進士



授行人永樂初脩實錄改檢討洪熙初進左春坊左司直郎  
上進侍講歷侍講學士予祭塋

夜大星青白光流雲中

是月徐錫山豐沛成安內黃大雨水傷稼

八朔已朔日食陰雨不見禮部尚書胡濙請賀不許

夜大星青白光起營空至羽林軍

庚午遣都指揮康旺等往奴兒干都司撫卹軍民

丁丑昏刻大星光青白出羽林軍行至濁

己卯廣東布政司右叅政吾紳為行在禮部右侍郎改民為

十六

南京戶部右侍郎按察副使成均為南京刑部右侍郎工部

尚書黃福調行在同尚書郭資張本議屯田

夜大星赤光出壘壁陣行至濁

庚辰昏刻大星光青白起須女行至游氣

辛巳遣御史二十三人照刷內外案牘

倭寇海陽

癸未夜月食

甲申夜客星見南河東北尺餘色青黑

乙酉少保楊士奇老疾朝而後命鴻臚寺勿問



夜大星青白光燭地起天津三小星隨之行至游氣

丙戌禮部右侍郎李琦為湖廣左布政使鴻臚寺卿徐永達為湖廣按察使

戊子刑部尚書趙珣侍郎俞士吉先論囚囚貝福全詐死得脫及它事為御史張楷劾命召之右都御史熊概兼理刑部已丑夜月犯五車

庚寅行在吏部郎中趙新刑部郎中劉澤榮華工部郎中張琰禮部員外郎吳經等理江北至畿南近河屯田已兵部尚書張本以勞擾格之

薛應旂曰嘗曰黃福之言而有慨於西北諸處積荒之地

不但可以屯田雜糧雖江南之杭稻亦可植也山東通濟沁泗沂諸水河南鑿汝蔡恒息諸渠陝西會涇渭漆沮諸流則西北之田皆杭稻矣奈何經畫疆理既無西門豹鄭國之徒而築舍道旁之言又紛也於是軍國之賦盡仰及於東南矣東南民力烏得而不竭哉

癸巳夜大星赤光起梗河行至濁

丙申夜大星赤光起天圜行至濁

九朔亥朔免永平河間廣平開封去年災租



壬寅慶王楫入朝書止之  
濬縣蝗捕之免稷山前年夏稅

癸卯夜大星光青白起五車行至濁

甲辰昏刻大星赤光起紫微東蕃行至天梧

乙巳更定在外罪囚贖例

賑瑞昌縣饑

夜大星光青白起北斗魁行至游氣

丙午行在吏部郎中趙新為右侍郎兵部郎中趙倫為戶部

右侍郎禮部員外郎吳政為右侍郎監察御史于謙為兵部

右侍郎刑部員外郎曹弘為刑部右侍郎越府長史周忱為

工部右侍郎皆總督稅糧新江西倫浙江政湖廣謙河南山

西弘北畿山東忱南畿各賜勅仍行巡撫事

朱睦㮮曰巡撫之設即成周以王朝卿出監之意也洪永

之際或曰採訪或曰巡視事已即還宣德庚戌乃置專職

其遷轉亦以年資深淺計也

夜大星赤光出參旗行至濁

丁未重陽節上喜歲登宴文武群臣又特宴文武大臣學

士賜詩命屬和各賜鈔二十錠



天全六番招討司每二歲辦烏茶五萬斤易馬至是兼辦芽  
茶二千二百斤上念民艱止貢芽茶  
夜大星赤光燭地起女牀行至雲中炸散又大星光青白出  
昂南行至雲中曉刻太白犯軒轅左星  
戊申或獻歷代紀年圖上曰唐亡不五十年天下五易主  
生民之禍極矣周世宗英武進取之略制治之心足平天下  
亦不永其年何也侍臣曰帝王之興自有天命非人謀所及  
昏刻大星青白光出外屏而行至濁月犯壘壁陣兩星昧爽  
大星赤光出北斗魁行至近濁

庚戌曹縣知縣范希正得民心以械奸吏入京反誣被逮百  
姓訴其誣上宥而復之

免汾西前年夏稅

辛亥免易州逃民千二百二十九戶唐縣復業民千二百九

十五戶田租

增崇明縣戍兵千一百二十人

故御史嚴暉戍遼東潛入京脅人財下法司棄市

壬子免濰縣復業民三千四百七戶田租除鉅鹿水災秋糧

甲寅北京國子監博士汪奉許子謨為翰林院檢討仍監事



監生楊英為南京刑科給事中楊信民張紀為行在工刑科  
給事中

增廣平府通判白亨俸從五品秩滿者民奏留之

己卯上巡近郊宿西湖之東

夜大星光青白起句陳行入雲中

戊午夜大星出參入雲中

己未還宮

壬戌安成侯郭晟建平伯高遠扈蹕先歸夜入德勝門宿私

第見劾下錦衣獄

夜大星青白光燭地起天苑行至濁

癸亥免冀州應州災租

己丑駙馬都尉趙輝永康侯徐安印馬畿內

曉刻災惑祀靈臺中星

丁卯罷饒州燒造磁器

十月己免金壇通租萬六千九百五十六石

克羅俄監祭龍董卜韓胡宣慰使南葛次子其長子班丹也

庚午封磬姓新昌王

辛未餘干人張宇文詐稱龍虎山道士募緣奉密旨體訪兩



廣雲南捕得伏誅

壬申山西布政司叅議王雋巡沁州勒賄挾妓誦戒獨石衛

夜流星大如碗青赤光燭天起中台行至北斗魁散

癸酉琉球中山王入貢

定給由官所負糧稅立限追徵不滿者治如律從山西按察

使張政之言

曉刻熒惑犯上將

乙亥遼海衛指揮同知壽州皇可斌禦於密城之東峪力

戰死之子弼亦死三萬衛千戶汝州吳貴百戶泗州吳聚連

十九

海衛百戶德州毛觀皆從斌力戰死所殺傷者甚多亦退

命有司褒卹

丙子上閱邊發京師宿玉河戒戒國公朱勇等扈軍無擾

民

昏刻月犯壘壁陣而星昧與大星如碗赤光燭地起即將行

至五諸侯

丁丑至龍虎臺召英國公張輔成國公朱勇尚書蹇義學士

楊士奇楊榮金幼孜等至幄中論政酒之

戊寅度居庸關次岔道



夜流星赤光出狼星旁行至濁

己卯獵岔道進鮮 皇太后遂命恭順侯吳克忠遂安伯陳

英武進伯朱冕太監劉順等燒荒

辛巳至懷來

壬午至雷冢站賜學士楊士奇楊榮金幼孜楊溥果茗曰詰

朝度雞鳴山非唐太宗征遼時乎曰然 上曰太宗雖英武

東征所喪亦不少士奇等曰太宗後悔之故有憫忠閣 上

曰此山元順帝時崩謂元亡徵信乎曰順帝自足亡雖山不

崩何益 上是之

二十

癸未至宣府之泥河總兵官都督譚廣入謁賜金織文綺衣

一襲鈔五千貫晚留塞義楊士奇金幼孜及行在刑部吏部

都察院太常寺六科給事中於宣府楊溥楊榮胡濙吳中等

扈從

甲申至老鴉站

乙酉至洗馬林

丙戌 上視師而整大悅勞諸將

丁亥獵

戊子還次泥河



庚寅次懷來

夜大星青白光燭地出墳墓西行至濁炸散

辛卯次岔道

壬辰還京

談遷曰一巡狩雖載在虞典微於夏諺而古人清蹕不煩

供億今千騎萬乘羽衛如雲官罷於羈紲民困於餽糧偏

州劇邑望塵無地游豫之風邈矣 宣皇好獵宮僚屢忤

一及正大寶閣邊謁陵動逾旬日一時諸臣咸順首扈從蓋

寓內清宴歲登民朴所以聞和鸞而彌快近垂堂而不忌

廿

谷也

夜大星青白光出北河行入雲中

甲午賑彭澤縣饑

夜大星青白光出土司空旁行至濁又大星赤光起奎至營

寧

乙未賑於潛縣饑

丙申蓬星色白如粉絮見外屏南行經天倉天庾八日滅

十一月定寧夏納米贖罪例

廣西總兵官都督僉事山雲平海柳平樂慶遠等蠻寇共斬



七千八百二十四級  
曉刻熒惑犯左執法

唐子行在右副都御史賈諒行在錦衣衛指揮王裕參議黃翰同奉御張義興與巡視江西免河南積年絲稅

夜大星赤光燭地起參旗行至天苑  
壬寅漢中多逋逃軍民前遣兵部郎中劉文勇招撫寄籍共千九百餘人

昏刻大星赤光燭地自壘壁陣西行至濁又大星赤光自軫

入雲中

癸卯上聞沅陵虎勅總兵官都督蕭授遣捕曰能使渡河者何人也勅其守令脩政

太僕寺丞宋載劉璧馬政不修下錦衣獄

甲辰昏刻大星青白光出天囿行入雲中又大星自昴至天囿又大星自閣道至雲中

乙巳南京地震

戊申夜大星赤光燭地出文昌入紫微垣又大星出天社行至濁



庚戌罷松花江造船

曉刻大星青白光自星宿行至游氣  
壬子楚王孟烷辭三護衛止留其一許之命王自選其一而  
後歸兩護衛於朝初平江伯陳瑄密奏湖廣東南大藩襟帶  
湖湘控引蠻越交廣黔蜀之民會人民蕃庶商賈輻湊楚立  
國三護衛自始封至今齒繁積充兵強國富魁於諸藩護衛  
之官交姻連姻藥梗延蔓小人行險或生其心惟 陛下借  
乏餉名選其健銳使轉漕京師因而留之 上曰楚故無過  
不可王懼故有是請於是武昌中護衛改武昌護衛調左護

衛東昌右護衛徐州曰東昌衛徐州左衛

癸丑刑部尚書趙珩右侍郎俞士吉致仕

甲寅召山東按察僉事韓璽及 科給事中卜謙故宮僚也

河南招逃民十一萬五千六百餘戶復業免徭役一年

故開平衛指揮同知方敏子景請襲以敏赤城失事不許後

視此

乙卯蘄州知府况鍾械經歷傅得赴京言其貪害命下臺獄  
治之

丙辰南京右僉都御史嚴升卒升字仲升繁昌人



進士歷青神巫山縣有聲永樂初遷江西按察僉事坐累  
謫順慶府同知改吏部考功郎中六年廉勤著進大理右少  
卿執法明慎遷令官同郎圮簡汰不肖雖居顯庸起居無異  
寒士而風裁凝峻不可觸也

己未戶部右侍郎改民政南京刑部右侍郎

給事中薛廣知懷慶許侃知廣西太平李本知梧州金文英  
知柳州汪本知思州張謹知思南富敬知高州王瑩知肇慶  
李燭知臨沅監察御史李驥知河南李奇知大理賴瑛知臨  
安戶部郎中徐鑑知瓊州李興知廣州刑部郎中傅佐知濟

南吏部員外郎蔡祥知延安禮部員外郎許敬軒知汀州光

祿寺丞李郁知長沙刑部主事徐孔奇知嚴州鄭瑒知寧波

大理寺正王昇知撫州寺副張瑛知貴州鎮遠司務王恕知

銅仁國子監學正陳頴知惠州楊昭知太原皆一時之選賜

勅給驛如况鍾例

庚申瓜哇入貢

賑會稽餘姚縣饑捕金華浦江盜

曉刻太白犯鍵閉

癸亥浙江左布政使黃澤奏溫處銀冶永樂間歲辦八萬七



千八百金或礦脉盡絕累民賠課上命嚴實罷之  
己丑曉刻熒惑犯進賢

十二卯朔昏刻大星青赤光燭地自離宮行至右旗散夜大星  
如斗赤光燭地自旱行至濁

辛未昏刻月犯壘壁障

己亥夜南京地震刺

己卯大雪盈庭

庚辰行在兵部請朔合馬價官馬死十人共買補命上以煩  
擾不許

上作喜雪詩宴示群臣群臣屬和語有微戒者錄而序之

壬午復李信遵化知縣秩滿見留秩正六品

二百餘騎掠開京都指揮佟荅刺哈值之適指揮吳禎傷馬

上責總兵官巫凱等

甲申夜月犯軒轅大星又流星赤光自參至濁

丙戌命兵部選京衛軍十萬隸五府訓練

丁亥勅副總兵都督方政及開平衛官撫恤新軍皆罪戍也

直登聞鼓給事中年漏以重囚二十七人擊鼓訴冤徒煩瀆

不可宥上令錄進勿禁仍與辨驗



行在浙江道監察御史張駿有臨海人四年未鞠其家訴之  
不駿獄凡因待理未結者悉錄以聞  
昏刻合譽星見如彈丸黃白光潤又彗見九游旁旬有五日  
減  
已丑夜北京地震  
庚寅增行在光祿寺大官珍羞掌醢良醞署丞各二監事各  
一  
壬辰曉刻月犯心宿  
癸巳總兵官都督僉事史昭等兵破曲先衛擒其黨峇二不

花及婦女三百四十餘人馬駝牛羊三十二萬有奇還西寧  
甲午北京國子監博士黃胤宗助教郭俊為翰林院檢討仍  
監事進士王一寧以吏部稽勲司主事授內府官監書  
復周義高州通判賈麒乾州知州俱加正五品祿以任滿吏  
民奏留

乙未夜大星赤光自翼行至濁

閏丁酉朔夜大星青白光自軫流庫樓曉刻辰星犯建星

戊戌群臣表賀合譽星

昏刻大星赤光出雲中行至濁又大星出狼星旁八雲中曉



刻辰星犯建西星  
庚子免開州逃租

夜大星赤光出參旗行至濁  
壬寅豁魏縣浮山逃租

南京監察御史李安言糧長加耗害人命戶部禁之

癸卯行在戶部左侍郎李景為尚書

甲辰夜大星赤光燭地自軒轅行至柳

乙巳撒馬兒罕入貢

丙午昏刻月犯五車又大星赤光出文昌行至濁

丁未三上御奉天門諭行在戶部曰惠民無實謂詔書何聞  
者郡縣數水旱民賦未充有司逼迫至於逋逃其許以鈔絹  
布准民間直收之

庚戌議築海鹽捍海石塘

甲寅夜大星光青白起天廟行至濁

丙辰保安王志炯請故陝西都指揮使陳懷宅居洛川縣主

上以懷尚有戚屬俟勘實果虛宅予之

戊午夜北雲蒼白二道餘三大又大星如碗青白光出太微

西垣行至濁



己未夜大星赤光自奎至游氣

庚申諭行在兵部曰民七十以上及廢疾者一子侍詔書也  
諸衛所勾軍豈無父母老疾家獨子有司其數而傳之近地  
松潘蠻屢掠捷為永川巴縣勅責總兵官陳懷

辛酉大星光青白自軫行至濁

壬戌許慶王榘還居寧夏仍往來韋州

甲子立張巡許遠協忠廟於歸德從歸德知州李志之請侑  
雷萬春南霽雲賈贛延閣

襄府左長史周五簡卒孟簡吉水人永樂甲申進士第三授

廿六

翰林編修

仁宗擢詹事府丞改襄府年五十

乙丑夜大星如碗青白光出文昌行至濁



一  
二  
三  
四  
五  
六  
七  
八  
九  
十

十一  
十二  
十三  
十四  
十五  
十六  
十七  
十八  
十九  
二十

二十一  
二十二  
二十三  
二十四  
二十五  
二十六  
二十七  
二十八  
二十九  
三十





